

ՀԱՆԴԷՍ ԱՄՍՕՐԵԱՅ

ՀԱՅԱԳԻՏԱԿԱՆ ՈՒՍՈՒՄՆԱԹԵՐԹ

ԹԻԻ 1-12

ՅՈՒՆՈՒԱՐ-ԴԵԿՏԵՄԲԵՐ

ՃԺԲ. ՏԱՐԻ 1998

ՅՈՎՀԱՆՆԷՍ ՍԱՐԿԱԽԱԳԻ ԺԱՄԱՆԱԿԱԳՐԱԿԱՆ ՀԱՄԱԿԱՐԳԸ

Գրիգոր Բրուտեան*

Ա.

Յովհաննէս Սարկաւազից մեզ հասած տարաբնոյթ ստեղծագործութիւնների մէջ, ի թիւս բազում այլ տեղեկութիւնների, կան նաեւ շատ կարեւոր տուեալներ պատմական տարբեր իրադարձութիւնների ժամանակի մասին (դրանց թուականները՝ թուագրութեան տարբեր համակարգերով, դրանց միջեւ եղած ժամանակները եւ այլն): Սակայն, ցաւօք սրտի, այդ տեղեկութիւնների անմիջական օգտագործումը յաճախ յղի է թիւրիմացութիւններ ծնելու վտանգով, եւ ամէն մի առանձին ժամանակային տեղեկութեան օգտագործումը պահանջում է նախ եւ առաջ ստուգել դրա հաւաստիութիւնը՝ տարբեր եղանակներով: Բանն այն է, որ ինչպէս մատենագրական այլ հին սկզբնաղբիւրների, այնպէս էլ այս դէպքում, հեղինակային բնօրինակի չգոյութիւնը (մաշուած, ոչնչացած, կամ կորած լինելը) պարարտ հող է ստեղծում սկզբնաղբիւրի լուրջ աղաւաղումների համար: Կարող են լինել առանձին բառերի, տողերի, նոյ-

նիսկ պարբերութիւնների եւ անգամ՝ թերթերի բացթողումներ, դրանց հակառակ՝ նաեւ ներմուծումներ բուն շարադրանքի մէջ լուսանցքներից, նաեւ՝ պարզ վրիպակ-աղաւաղումներ եւ այլն: Այս ամենը մեծապէս դժուարացնում են բնագրերի օգտագործումը եւ ամէն առանձին դէպքում պահանջում յատուկ հետազօտութիւն:

Պատմագրական, գրական, իմաստասիրական եւ այլ՝ նման բնոյթի երկերում նշուած տեսակի աղաւաղումները բացայայտում-շտկում են հիմնականում բանասիրական վերլուծութեամբ: Տոմարագիտական երկերում հնարաւոր է բնագրային տեղեկութիւնների հարազատութիւնը՝ բանասիրականից զատ՝ ստուգել նաեւ տոմարագիտական վերլուծութեան միջոցով:

Ինչ վերաբերում է ժամանակային տուեալներին, նկատենք, որ ընդհանրապէս, սրանցից իւրաքանչիւրի առանձին ստուգումից աւելի նպատակայարմար է սրանց համակարգուած ստուգումը: Այ-

սինքն, ստուգել ոչ թէ տուեալ հեղինակի ամէն մի ժամանակային տեղեկութիւնը առանձին, այլ վերականգնել տուեալ հեղինակի օգտագործած ժամանակագրական համակարգը ամբողջութեամբ, եւ դրա մէջ, բնականաբար, կը ստուգուեն նաեւ բոլոր առանձին տուեալները:

Այս մօտեցումը, հարկաւ, կիրառելի է ոչ բոլոր հեղինակներին եւ ոչ բոլոր ստեղծագործութիւններին դէպքում: Ժամանակագրական համակարգի վերականգնումը իմաստ ունի միայն այն դէպքում, երբ տուեալ երկը, կամ տուեալ հեղինակի բոլոր երկերը ստեղծուած են մէկ միասնական մօտեցմամբ: Բնականաբար, այս մօտեցումը կիրառելի է այն դէպքերում, երբ երկի հեղինակը, ինքը չլինելով ժամանակագրական-տոմարական հարցերի հմուտ գիտակ, իր երկը շարադրել է իբր տարբեր սկզբնաղբիւրներից վերցուած առանձին տեղեկութիւնների պարզ շարադրութիւն: Այսպիսի դէպքերում, բնականաբար, խօսք չի կարող լինել ժամանակագրական միասնական համակարգի մասին:

Յովհաննէս Սարկաւազի պարագայում, այս առումով, դրուութիւնը բաւական նպաստաւոր է: Սարկաւազ վարդապետը եղել է իր ժամանակի հմտագոյն տոմարագէտը եւ ընդհանրապէս՝ միջնադարի ամենաականաւոր հայ տոմարագէտներից մէկը, եւ լիովին ակնկալելի է, որ նա իր տոմարագիտական եւ պատմական բոլոր երկերում էլ կիրառած լինի ժամանակագրական միեւնոյն համակարգը: Այսինքն, հիմնուելով այս (մեծապէս ճշմարտամօտ) ընդունելութեան վրայ, կարող ենք փորձել վերականգնել Յովհ. Սարկաւազի ժամանակագրական համակարգը: Եւ, այդ դէպքում, այդ հեղինակից մեզ հասած երկերում տեղ գտած բոլոր այն ժամանակային տուեալները, որոնք ներդաշնակ չեն լինի այդ համակարգին, կը դիտուեն իբր անհարազատ (յետսամուտ, կամ աղաւաղեալ):

Սարկաւազ վարդապետի ժամանակագրական համակարգի վերականգնումը կարեւոր է նաեւ նրանով, որ դրանով է պէս կը դիւրանայ նրա տուած ժամանակային տուեալների կիրառումը Հայոց պատմութեան զանազան հարցեր ճշդելիս:

Արդ փորձենք ի մի բերել ու համակարգել Յովհ. Սարկաւազի ժամանակագրական տուեալները: Նախ տանք այն բոլոր կարեւոր իրադարձութիւնները¹, որոնց բացարձակ կամ յարաբերական ժամանակները այս կամ այն կերպ տրուած են Սարկաւազի տարբեր աշխատութիւններում:

Արդ փորձենք ի մի բերել ու համակարգել Յովհ. Սարկաւազի ժամանակագրական տուեալները: Նախ տանք այն բոլոր կարեւոր իրադարձութիւնները¹, որոնց բացարձակ կամ յարաբերական ժամանակները այս կամ այն կերպ տրուած են Սարկաւազի տարբեր աշխատութիւններում:

- Աղամի արտաքսումը Դրախտից²,
- Ենովքի փոխուելը,
- Ջրհեղեղը,
- Աշտարակաշինութիւնը,
- Աբրահամի ծնունդը,
- Հրէից ելքը Եգիպտոսից,
- Տաճարի շինութիւնը (Սողոմոնի չորրորդ տարին),
- Օլիմպիադի թուականի սկիզբը (առաջին օլիմպիադը),
- Տաճարի նորոգումը Ջորաբարէլի կողմից (Դարեհի երկրորդ տարին),
- Հերովդէսի թագաւորութեան սկիզբը,
- Քրիստոսի ծնունդը,
- Քրիստոսի մկրտութիւնը,
- Թադէոս առաքեալը,
- Փիլիպպոսի հինգերորդ³ տարին,
- Սուրբ Գրիգորի ելն ի վիրապէս,
- Նիկիոյ ժողովը,
- Կոստանդիանոսի 20-ամեակը,
- Անդրէասի 200-եակի սկիզբը,
- Կոստանդնուպոլսի ժողովը,
- Սուրբ Սահակ Պարթեւ,
- Ս. Գրքի թարգմանութիւնը,
- Եփեսոսի ժողովը,
- Քաղկեդոնի ժողովը,
- Մովսէս Եղիվարդեցու կաթողիկոսու-

- թեան սկիզբը,
- Սուրբ Յիզորուզիտի վկայութիւնը,
- Դուինի ժողովը,
- Հայոց թուականի հիմնումը,
- Էսսեան 500-եակի հիմնումը,
- Քաղաքի ժողովը,
- [Մանազկերտի ժողովը]⁴,
- Երուսաղէմի առումը Պարսից կողմից,
- Վրաց բաժանումը Կիւրիոնի օրօք,
- Ս. Հռիփսիմէի վկայարանի կառուցումը Կոմիտաս Աղցեցու կողմից,
- Կարնոյ ժողովը, Հերակլի եւ Եզրի հաղորդուելը,
- Արաբների առաջին ներխուժումը Հայաստան,
- Ջուարթնոց (Ս. Գրիգոր) տաճարի կառուցումը,
- Անանիա Շիրակունու տոմարական բարեփոխումը,
- Երկրորդ 500-եակ շրջանի սկիզբը,
- Պատառումն Ջատիկի (Մռազատիկ):

Այս ցուցակը կարելի է դեռ կրկնապատկել եւ դուցէ՛ եռապատկել, սակայն արդէն իսկ սա բաւական ընդարձակ է, եւ աշխատանքը դիւրացնելու համար սա եւս կը բաժանենք երկու մասի: Նախ կը հետազօտենք ցուցակի վերին մասը (սկզբից մինչեւ Ս. Գրիգոր), եւ դրանից յետոյ միայն՝ ցուցակի շարունակութիւնը՝ մինչեւ վերջ:

Աշխատանքի դիւրութեան առումով յարմար է նշուած իրադարձութիւնների ժամանակները նախ որոշել Աղամի արտաքսման թուականով եւ յետոյ միայն անցնել այլ՝ ասենք՝ Օլիմպիադի, կամ Քրիստոսի ծննդեան, եւ կամ էլ ներկայումս կիրառուող Փրկչական թուականներին⁵:

Սկսենք ըստ կարգի: Հիմնական թուական տուեալները Սարկաւազ վարդապետի ժամանակագրութեան⁶ մէջ են:

Ենովքի փոխման համար իր ժամանակագրութեան մէջ Սարկաւազը տալիս է Աղամից «ամբ Ռեմէ (1487)» (էջ 131⁷):

Իսկ ջրհեղեղի համար տրուած է՝ Աղամից ՍՄԽԲ (2242) տարի. ընդ որում, այս 2242-ը ստոյգ թուական է, քանի որ այդ միեւնոյն թիւն է տրուած Սարկաւազի տարբեր աշխատութիւններում (էջ 131, 217, 295): Տրուած է (էջ 131) նաեւ Ենովքից ջրհեղեղն եղած տարիների թիւը՝ ՉԾԷ (757): Սա չի ներդաշնակում ջրհեղեղի եւ Ենովքի համար (Աղամից) տրուած թուերին: Այսպէս, մի կողմից՝ Աղամից ջրհեղեղ=2242 տարի, միւս կողմից էլ կը ստացուի՝ Աղամից Ենովք՝ 1487+Ենովքից ջրհեղեղ՝ 757=2244 տարի, որ 2 տարով մեծ է առանձին տրուածից: Ջրհեղեղի 2242 թիւը եւ Ենովքի 1487 թիւը տրուած են Յովհաննէսի երկերում մի քանի տեղեր եւ բոլոր տեղերում՝ էլ նոյնն են (էջ 131, 295), ուստի եւ պիտի համարենք հաւաստի: Ըստ այսմ, սխալ է Ենովքից ջրհեղեղ 757-ը, որ պէտք է շտկել՝ դարձնելով 755 (ՉԾԵ)⁸. սա շատ հաւանական շփոթութիւն է. երեւի շփոթուել են Ե եւ Է գրերը:

Յաջորդը աշտարակաշինութիւնն է: Սրա համար տրուած է. «Ի ջրհեղեղէնցաշտարակն՝ ՍՉԿԷ (2767)» (էջ 131): Սա ակնյայտ շփոթութիւն է: Սրա յաջորդ տողում տրուած է ջրհեղեղից Աբրահամ ՋԽԲ (942) տարի, որ կը նշանակի, թէ Աբրահամն եղել է աշտարակաշինութիւնից առաջ (942<2767): Սա անկարելի է: Բացի այդ, Աղամից Քրիստոսի ծնունդը տրուած է 5198 տարի (էջ 131), որով Քրիստոսի ծնունդը կը լինի ջրհեղեղից 5198-(2767+2242)=189 տարի յետոյ միայն: Սա եւս անիմաստ է: Ուրեմն, այս 2767-ի համար հարկ է փնտռել այլ բացատրութիւն: Իսկ աշտարակաշինութեան համար իր տոմարական «Պատճէնի» ժամանակագրական մասում Սարկաւազը տալիս է. «Ի ջրհեղեղէնց յաշտարակն՝ ամբ

293-2002



ԾԻԵ (525): Եւ անտի միւնչեւ ցծնունդն Աքրահամու՝ ամբ ԶԽԲ (942): Եւ անտի՝ յԱքրահամու՝ ամբ՝ ՆԺԷ (417)» (էջ 217): Այստեղ շարադրանքը փոքր-ինչ խրթին է: Սա հասկանալու համար նկատի ունենանք, որ $417+525=942$: Ըստ այսմ, այս տուեալները կը նշանակեն, որ ջրհեղեղից աշտարակ 525 տարի է, իսկ աշտարակից Աբրահամ՝ 417 եւ միանգամայն՝ ջրհեղեղից Աբրահամ՝ 942 տարի: Այս 942-ը նոյնաբար համընկնում է Սարկաւագի ժամանակագրութեան մէջ տրուածին. «Ի ջրհեղեղէն ի ծնունդն Աքրահամու՝ ԶԽԲ (942)» (էջ 131): Այս թուերն ընդունելուց յետոյ հասկանալի է դառնում նաեւ վերը նշուած 2767 տարին՝ ջրհեղեղից աշտարակաշինութեան համար: Այս 2767-ը պարզապէս Ադամից աշտարակաշինութիւնն եղած տարիների քանակն է (Ադամից ջրհեղեղ՝ $2242+2767=5009$ տարի): Վրիպակն այստեղ ոչ թէ թուի՝ մէջ է, այլ դրա համար տրուած բացատրութեան մէջ. պէտք է լինէր ոչ թէ. «Ի ջրհեղեղէն ցաշտարակն...», այլ՝ «յԱդամայ ցաշտարակն՝ ՍԶԿԷ (2767)»⁹:

Աբրահամի ծննդեան թուի մասին վերն արդէն նշուեց. մի քանի տեղ տրուած է Աբրահամի ժամանակը. ջրհեղեղից 942 տարի (էջ 131, 217, 227): Ըստ այս վկայութիւնների, Աբրահամի ծնունդը պիտի դրուի ջրհեղեղից 942 տարի յետոյ, այսինքն, Ադամից (արտաքսումից) $942+2242=3184$ տարի:

Մեր ցուցակում յաջորդը Հրէից ելքն է եգիպտոսից: Ժամանակագրութեան մէջ Աբրահամի ծննդից յետոյ գրուած է. «Անտի յելսն յԵգիպտոսէ՝ ԾԵ (505)» (էջ 131): Նոյնը տրուած է նաեւ տոմարական «Պատճէնում» (էջ 217): Ըստ այսմ, ելքը եգիպտոսից կը լինի. Ադամից Աբրահամ՝

$3184+Աբրահամից ելք՝ 505=Ադամից ելքը՝ 3689$ տարի: Այս 3689-ը, բացի ուղղակի վկայութիւններից, հաստատուում է նաեւ անուղղակի կերպով. այսպէս՝ ժամանակագրութեան մէջ ունենք. «յԱդամայ ի հայ թուականն՝ ԲԶԾԲ (5752): ... Ի Մովսէսէ ի հայ թուականն՝ ՍԿԳ. (2063)» (էջ 132): Սրանց տարբերութիւնը, որ պիտի տայ Ադամից Մովսէս ժամանակը, կը լինի $5752-2063=3689$ տարի, որ լրիւ ներդաշնակ է վերի թուին:

Սրան հակառակ, «Մեկնութիւն տուածարիս Հայկազնեայ» երկում ունենք. «Եւ լինի յԱդամայ ՎԶԻԵ (3725) միւնչեւ յելսն...» (էջ 227): Նոյնը ունենք եւ մի էջ յետոյ. «յԱդամայ միւնչեւ ի Մովսէս՝ ՎԶԻԵ (3725) ամ» (էջ 228): Սա 36 տարով աւելի է վերն ստացուած 3689-ից: Ընդ որում, այս 3725-ը սոյն տեղում վրիպակ կամ շփոթութիւնն է. այս թուից անմիջապէս յետոյ բնագրում ունենք. «ամ Ծ (180), լինի ՎԶԵ (3905)» (էջ 227): Իրօք, $3725+180=3905$: Սա հաստատում է սոյն թուի վրիպակ չլինելը: Այսինքն, ստանում ենք, որ Ադամից մինչեւ Հրէից ելքի համար տրուած այս երկու թուերն էլ իրենց տեղերում վրիպակ չեն, տրամաբանօրէն կապուած են իրենց կից շարադրանքի հետ, ներդաշնակ են այդ շարադրանքներում եղած այլ թուերին¹⁰:

Այս թուերը ինչ-որ կերպ իրար համաձայնեցնելու համար հարկ է ընդունել, որ կամ

Ա. Սոյն տեղում Ադամից Մովսէս ժամանակի մէջ նկատի է առնուած ոչ թէ Ադամի արտաքսումից, այլ, ասենք, Ադամի արարումից, կամ էլ՝

Բ. Գործ ունենք ժամանակագրական տարբեր համակարգերի հետ:

Առաջին կէտում արուած ենթադրութիւնը այնքան էլ հաւանական չէ, քանի

որ նոյն՝ «Մեկն. տուածարիս Հայկ.» երկում Ադամից մինչեւ ջրհեղեղ եւ ջրհեղեղից մինչեւ Աբրահամ տրուած տարիները լրիւ նոյնական են Յովհաննէսի ժամանակագրութեան մէջ եւ այլ երկերում տրուածներին (իսկ այդ տեղերում նկատի է առնուած հէնց արտաքսումը):

Գալով երկրորդ կէտում ասուածին, սա այնքան էլ անհաւանական չէ: Միեւնոյն ժամանակ, սա հնարաւոր է մի քանի ձեւերով: Կարող է յիշեալ երկում խնդրոյ առարկայ հատուածը ամբողջութեամբ յետսամուտ է, կարող է նաեւ՝ այդ երկն ամբողջութեամբ այլ հեղինակի գործ է եւ Սարկաւագին է վերագրուել թիւրիմացաբար: Հնարաւոր են այլ տարբերակներ եւս:

«Մեկնութիւն Տում. Հայկազն.» երկում տրուած օրացուցային այլեւայլ տուեալների վերլուծութիւնը ցոյց է տալիս, որ այս 3725-ը Ադամից Մովսէս եղած տարիների թիւն է ըստ, այսպէս կոչուած՝ հինգհարիւրեակի համակարգի: Այսպէս, օրինակ, նշուած երկում (էջ 227) ունենք. «...լինի ՆԹ (409), որ է թուական հայոց յելսն»: Այս 409-ը Հայոց Մեծ թուականն է, միայն՝ 532-ամեակներով պարբերացուած դէպի ետ: Այսինքն, ելքից մինչեւ Հայոց թուականի սկիզբը կը լինի $n \times 532 + (532 - 409)$ տարի, որտեղ n -ը ամբողջ թիւ է: $n=4$ -ի դէպքում կը լինի $4 \times 532 + (532 - 409) = 2251$: Եթէ սրան գումարենք Ադամից Մովսէս 3725 տարին, կը լինի Ադամից մինչեւ Հայոց թուականը՝ $2251 + 3725 = 5976$ տարի:

Միեւնոյն ժամանակ, նոյն երկում ունենք. «Զի ըստ Անդրէասայ ժամանակագրութեանն լինի յԱդամայ միւնչեւ հայ թուականն ԾԾԾԵ (6155),... եւ ըստ Թ. Եկին թուականին՝ ԲԶԶԶ (5976)» (էջ 224): Այսինքն, ըստ հինգհարիւրեակի համակարգի, Ադամից

Հայոց թուականի սկիզբը 5976 տարի է, եւ սա էլ նոյնն է, ինչ որ վերն ստացուած թուականը: Կան այլ օրինակներ եւս, որ հաստատում են, որ վերի 3725 տարին տրուած է ըստ Շ. Եակի համակարգի: Իսկ դա էլ նշանակում է, որ սոյն աշխատութեան՝ մէջբերուած հատուածներում կան աղաւաղումներ. իրար հետ խառը ներկայացուած են ժամանակագրական տարբեր համակարգերով տրուած թուական տուեալներ: Ըստ այսմ, սոյն 3725-ը այստեղ չենք քննարկի: Ուրեմն, Հրէից ելքը կը լինի, ըստ Սարկաւագի ժամանակագրութեան համակարգի¹¹, Ադամից 3689 տարի յետոյ:

Յաջորդ ժամանակային տուեալը Երուսաղէմի տաճարի շինութեան տարին է: Սա եղել է Սողոմոնի չորրորդ տարում եւ Սարկաւագի ժամանակագրութեան մէջ դրուած է Եգիպտոսից ելքից 480 տարի յետոյ. «Անտի (յելիցն եւ Գ. Բ.) միւնչեւ ցՍողոմոնի չորրորդ ամն եւ ցտաճարին շինութիւնն ամբ ՆԶ (480)» (էջ 131): Ուրեմն, տաճարի շինութիւնը կը լինի Ադամից $3689 + 480 = 4169$ տարի յետոյ:

Մեր ցուցակում յաջորդը Օլիմպիադի թուականի սկիզբն է (առաջին օլիմպիադը): Սրա մասին ունենք «Մեկնութիւն Տումարիս Հայկազնեայ» երկում. «Լինի բուն թուական միւնչեւ յառաջին զիմպիադն ամբ ՏՈԽ (4640), որ ուղիղ բերէ զկարգ հինգհարիւրեակի: Եւ ըստ Եւսեբեայ [յ]՝ ՏՆԻԴ (4424), յԱդամայ միւնչեւ ի Մովսէս ՎԶԻԵ (3725) ամ, եւ հինգհարիւրեակը եւթն յելիցն, եւ ի Մովսիսէ միւնչեւ ի սկիզբն զիմպիադացն՝ ԶԺԵ (915): Եւ ըստ Եւսեբեայ՝ ԶԼԵ (735)» (էջ 228): Այստեղ Օլիմպիադի սկիզբը տրուած է հինգհարիւրեակի (Շ. Եակի) թուականով ու նաեւ՝ ըստ Եւսեբիոսի: Բուն թուական կոչուածը նոյն Շ. Եակի թուականն է, միայն թէ այս դէպքում դրանից հանուած չեն

532-ամեայ պարբերությունները: Աստվածը հաստատում է այլ փաստերից զատ նաև նրանով, որ այս հաստատումն տրուած թուականները ներդաշնակում են Հրէից ելքի (Մովսէսի) համար Շ.եակի համակարգով տրուած 3725 թուականին (հաշուած Ադամի արտաքսումից): Իրօք, Ադամից Մովսէս ըստ Շ.եակի 3725 տարի է, եւ Մովսէսից էլ մինչեւ առաջին օլիմպիադը՝ 915: Սրանց գումարը կը լինի Ադամից մինչ օլիմպիադի սկիզբը $3725+915=4640$ տարի: Սա նոյնն է, ինչ որ տրուած է վերելք՝ մէջբերուած հաստատմի սկզբում: Այս հաստատումն թուականները տրուած են նաեւ ըստ Եւսեբիոս Կեսարացու համակարգի, որ, փաստօրէն, նոյն համակարգն է, ինչ եւ Սարկաւազի ժամանակագրութեան մէջ կիրառուածը¹²: Իրօք, ըստ Եւսեբիոսի, Օլիմպիադի սկիզբը Ադամից 4424 տարի յետոյ է, իսկ Մովսէսից (ելքից) առաջին օլիմպիադ էլ՝ 735 տարի է (տե՛ս մէջբերուած հաստատումը): Կը նշանակի, ըստ Եւսեբիոսի պիտի լինի Ադամից Մովսէս 4424-735=3689 տարի: Եւ սա էլ հէնց այն թիւն է, որ ստացուած է ըստ Սարկաւազի ժամանակագրութեան (տե՛ս վերը): Ըստ այսմ, որպէս Սարկաւազի համակարգ, պիտի Օլիմպիադի սկզբի համար վերցնենք ըստ Եւսեբիոսի տրուած 4424 թիւը:

Այստեղ նկատենք մի նրբութիւն. Շ.եակի եւ Եւսեբիոսի ժամանակագրական համակարգերը իրարից տարբերում են ոչ միայն իրենց հաշուարկի սկզբնակէտով, այլ նաեւ տարբեր իրադարձութիւնների միջեւ եղած ժամանակներով: Ըստ այսմ, չի կարելի այս համակարգերից մէկով տրուած տարին միւս համակարգին վերածել միշտ միեւնոյն հաստատուն թի-

ւր գումարել կամ հանելով¹³:

Օլիմպիադի թուականի սկզբից յետոյ մեր ցուցակում յաջորդը տաճարի նորագումն է Դարեհի երկրորդ տարում: Սրա համար ժամանակագրութեան մէջ տրուած է. «Անտի (ի շինութեան տաճարին - Գ. Բ.) մինչեւ ցնորոգումն տաճարին ի Ջարաբարելէ եւ ի Դարեհի Բ ամն՝ ԾԺԲ (512): Անտի մինչեւ ի ծնունդն Քրիստոսի՝ ԾԺԸ (518)» (էջ 131): Նոյնի համար տոմարական պատճէնի ժամանակագրական հաստատումն էլ տրուած է. «ամք ԾԺԱ (511): Եւ անտի մինչեւ ի ծնունդն Քրիստոսի՝ ամք ԾԺԸ (518)» (էջ 217):

Այս երկու տեղերում էլ տաճարի շինութիւնից նորոգում տարիները տրուած են տարբեր. մի տեղում 511, միւսում՝ 512 տարի: Ի դէպ. 512 (ԾԺԲ) է տրուած եւ Ոսկեանի հրատարակած համառօտ տարբերակում: Պարզ է, որ այս թուերից մէկը սխալ է: Միեւնոյն ժամանակ, նշուած բոլոր տեղերում էլ տրուած է տաճարի նորոգումից Քրիստոսի ծնունդը՝ 518 տարի: Սրա հետ մէկտեղ ունենք նաեւ Ադամից Քրիստոս «միաճգամայն՝ ԲԾՂԸ (5198)» տարի (էջ 131, 217): Եթէ սրանից հանենք նորոգումից Քրիստոս եղած 518-ը, կը ստանանք Ադամից նորագումը՝ 5198-518=4680 տարի: Եւ սրանից էլ հանելով տաճարի շինութեան տարին Ադամից (4169), կը ստանանք տաճարի շինութիւնից մինչ նորոգումը 4680-4169=511 տարի: Ուրեմն, վերը քննուած թուերից սխալ է 512-ը, եւ հարկ է այն ուղղել՝ 511 (ԾԺԱ): Ըստ այսմ, Ադամից մինչ տաճարի նորոգումը կը լինի 4680 տարի:

Հերովդէսի թագաւորութեան սկզբի համար ունենք. «Հերովդէս այլազգի՝ ամս ԼԵ (35): Ի սորա ԼԲ (32) ամին ծնանի Քրիստոս» (էջ 132): Հերովդէսի ժամանակը

տրուած է նաեւ օլիմպիադներով. «Մեկնութիւն տուածարիս Հայկազնեայ» երկում ունենք. «Հերովդէս թագաւորէ ամս ԼԸ (38): Ի սորա առաջին ամին կատարին երթնորոգն Դանիէլի, զի ի ԿԶ (66) դիմպիադին ասացաւ անա թէ՛ երթնորոգն՝ երթն եւ երթնորոգն՝ ԿԲ (62), որ լինի ԿԹ (69)»¹⁴: Մի քանի տող վարն էլ՝ «Արդ՝ ԿԶ (66) դիմպիադն համառատեցան երթնորոգն: Եւ ի ԾԶԶ (186) դիմպիադին թագաւորէ Հերովդէս այլազգի, որ լինի դիմպիադն ԾԻ (120) եւ ամք ՆԶԳ (483): Այս է թիւ երթնորոգն Դանիէլի: Եւ յԼԲ (32) ամին Հերովդի ծնաւ Քրիստոս»¹⁵ (էջ 228): Հերովդէսի թագաւորութեան սկիզբը դրուած է 186-րդ օլիմպիադին, բայց նշուած չէ, թէ օլիմպիադի որ տարին է: Ստացուած է 4 տարուայ անորոշութիւն: Բարեբախտաբար, տրուած է նաեւ, որ 66-րդ օլիմպիադից մինչեւ Հերովդէսի թագաւորելը 186-րդ օլիմպիադում 483 տարի է: 66-ից 186 օլիմպիադը 120 օլիմպիադ է, որ կարող է լինել 480-ից 483 տարի: Այս միջոցը 483 տարի կը լինի միմիայն, եթէ ժամանակը հաշուել 66-րդ օլիմպիադի առաջին տարուց 186-րդի 4-րդ տարին: Սրանով միարժէքօրէն որոշուած է, որ Դանիէլի եօթներորդը դրուած է 66-րդ օլիմպիադի առաջին տարում (Օլ. 66.1)¹⁶, եւ Հերովդէսի թագաւորելը՝ 186-րդ օլիմպիադի 4-րդ տարում (Օլ. 186.4): Ըստ այսմ, Քրիստոսի ծնունդն էլ՝ Հերովդէսի 32-րդ տարում կը լինի Օլ.186.1+31=Օլ. 194.3 (194-րդ օլիմպիադի 3-րդ տարին), որ է Օլիմպիադի սկզբից $193 \times 4 + 2 = 774$ տարի յետոյ:

Այստեղ կայ ժամանակային մի փոքր անհամաձայնութիւն. ըստ Շ.եակի, Քրիստոսի ծնունդը 5420-ին է, եւ Օլիմպիադի սկիզբն էլ՝ 4640-ին (տե՛ս վերը), որ կը տայ Օլիմպիադի սկզբից Քրիստոսի ծնունդը՝ $5420-4640=780$ տարի: Միւս

կողմից էլ՝ հաշուելով Հերովդէսի տարիներով, ստացուեց 774 տարի: Այս վեց տարուայ տարբերութիւնը կարող է առաջացած լինել կամ Հերովդէսի տարիների սխալից (ասենք՝ 38՝ փոխանակ 32-ի), եւ կամ էլ օլիմպիադների թուերի սխալից¹⁷:

Օլիմպիադների թուերի սխալ լինելը շատ քիչ հաւանական է: 483 տարին որոշակիօրէն ճիշտ է, զի դա բղխում է Դանիէլի մարգարէութիւնում տրուած թուերից ($7 \times 69 = 483$): Ուրեմն, ճիշտ է եւ 120 օլիմպիադ տարբերութիւնը: Նշանակում է, ճիշտ պիտի լինեն նաեւ 66-րդ եւ 186-րդ օլիմպիադների թուերը (որպէսզի դրանք սխալ լինէին, պէտք է սխալ լինէին երկուսն էլ միաժամանակ եւ այն էլ այնպէս, որ դրանց տարբերութիւնը մնար 120: Սա շատ քիչ հաւանական է, ուստի եւ պէտք է ընդունել օլիմպիադների թուերը՝ ճիշտ):

Մնում է սխալը փնտրել Հերովդէսի 32-ի մէջ: Այս թիւը նոյնութեամբ կրկնուած է տարբեր հեղինակների կազմած համարեա բոլոր ժամանակագրութիւններում: Այսինքն, սրա սխալ լինելը քիչ հաւանական է, եւ եթէ սա սխալ էլ է, ապա սխալը պիտի առաջացած լինի շատ վաղուց՝ ժամանակագրութեան նախնական տարբերակներից մէկում: Միեւնոյն ժամանակ, երկու ձեւերով հաշուելիս առաջացած տարբերութեան 6 տարի լինելը յուշում է, որ այս թուի նախնական տարբերակը պիտի եղած լինի 38: Իրօք, երկաթագիր Ը (8)-ը բաւական նման է Բ (2)-ին, որով եւ անհաւանական չէ սրանց շփոթումը (դրա համար պէտք էր միայն, որ Ը-ի ստորին գծիկը մի փոքր վեր լինէր, կամ էլ ուղղաձիգ գծիկը մի փոքր վար երկարէր հորիզոնական գծիկից):

Այստեղ դժուարութիւն է յարուցում միայն այն, որ ըստ մեր ունեցած տար-

բեր ժամանակագրութիւններէ, Հերովդէսը թագաւորել է ոչ աւելի, քան 38 տարի (կան տեղեր էլ, ուր տրուած է 37, 35): Այս դժուարութիւնն էլ կարելի է յաղթահարել, կամ

ա. ընդունելով, որ ընդհանրապէս սխալ է տրուած Հերովդէսի թագաւորութեան տեւողութիւնը, եւ այն պէտք է լինի 38-ից աւելի, կամ էլ

բ. ընդունելով, որ Հերովդէսի թագաւորութեան սկիզբը պարզապէս կիրառուած է իբր դարագլուխ, եւ ժամանակն էլ այդ տարուանից է հաշուած՝ անկախ այն բանից, թէ որքան է տեւել Հերովդէսի թագաւորութիւնն ինքը: Կամ էլ՝

գ. կարելի է մտածել, որ Քրիստոսի ծնունդը Հերովդէսի 38-րդ տարուայ սկզբում է եղել, իսկ նրա 38 տարի թագաւորած լինելն էլ նշանակել է, որ նա մահացել է 39-րդ տարում (39-րդ տարին չլրացած):

Այս ենթադրութիւններից երկրորդը անընդունելի է սկզբից եւեթ, քանի որ յայտնի է, որ Քրիստոսի ծնունդից քիչ անց Հերովդէսը կոտորել տուաւ Բեթղեհէմի մանուկներին (Մատթ., Բ. 16): Առաջին տարբերակը քիչ հաւանական է. 38 (ԼԸ)-ից աւելի լինելու համար պէտք է թիւը լինէր կամ 39 (ԼԹ), կամ էլ 40 (Խ) եւ աւելի: 30 (Լ)-ը աղաւաղուելով 40 (Խ) դառնալը համարեայ անկարելի է: Ուստի, մնում է 39-ը Սա էլ համարեա նոյնանում է երրորդ տարբերակի հետ: Այսինքն, պիտի ընդունենք, որ ամենայն հաւանականութեամբ, ըստ այս ժամանակագրութեան, Հերովդէսը մահացել է իր թագաւորութեան 39-րդ տարում:

Ընդունելով այս շտկումները, կը ստանանք, որ Հերովդէսի թագաւորութեան սկիզբը պիտի լինի ըստ ժամանակագրութեան համակարգի Ադամից 5198-

37=5161 տարի յետոյ եւ ըստ Շ.եակի էլ՝ Ադամից 5420-37=5383 տարի յետոյ:

Օլիմպիադի սկզբից էլ կը լինի ըստ Շ.եակի՝ Ադամից Հերովդէս՝ 5383-Ադամից Օլիմպիադ՝ 4640=Օլիմպիադի սկզբից Հերովդէս՝ 743 տարի: Սա էլ կը տայ 185 օլիմպիադ եւ եւս 3 տարի, որ կ'անի (Օլ. 186.4): Սա նոյնաբար համընկնում է Հերովդէսի համար օլիմպիադներով տրուած ժամանակին:

Ինչպէս երեւում է վերի թուերից, Օլիմպիադի համակարգով տրուած տարիները չեն համընկնում ժամանակագրական համակարգով տրուած տարիներին եւ, միեւնոյն ժամանակ, նոյնաբար համընկնում են ըստ Շ.եակի տրուած տարիներին: Սա նշանակում է, որ Օլիմպիադի համակարգը մեր քննարկած աղբիւրներում ներդաշնակեցուած է միայն Շ.եակի համակարգին, իսկ ժամանակագրութեան համակարգը անկախ է դրանից:

Իրօք, ըստ ժամանակագրութեան, Ադամից Հերովդէս՝ 5161-Ադամից Օլիմպիադ՝ 4424=Օլիմպիադից Հերովդէս 737 տարի: Սա անում է 184 օլիմպիադ եւ եւս 1 տարի, որ կը տայ 185-րդ օլիմպիադի 2-րդ տարին (Օլ. 185.2): Սա էլ ակնյայտօրէն տարբեր է Հերովդէսի համար տրուած 186-րդ օլիմպիադից:

Որպէսզի ըստ ժամանակագրութեան եւս Հերովդէսի տարիները ներդաշնակեն Օլիմպիադի տարիներին, հարկ է ըստ ժամանակագրութեան հաշուելու դէպքում Քրիստոսի ծնունդը դնել Հերովդէսի ոչ թէ 38-րդ, այլ 32-րդ տարում: Այս դէպքում կը լինի Ադամից Քրիստոս՝ 5198-31=Ադամից Հերովդէս՝ 5167 տարի: Եւ, եթէ սրանից էլ հանենք Ադամից Օլիմպիադ 4424 տարին, կը լինի 5167-4424=743 տարի՝ Օլիմպիադի սկզբից մինչ Հերովդէս, որ կը լինի 185 օլիմ-

պիադ եւ եւս 3 տարի, այսինքն, (Օլ. 186.4), այն, ինչ ստացել էինք վերը:

Այսպիսով, ի մի բերելով Հերովդէսի տարիների քննութիւնը, ստանում ենք, որ Սարկաւադի մօտ ըստ ժամանակագրական համակարգի Հերովդէսի թագաւորութեան սկիզբը Ադամից 5167 տարի յետոյ է, եւ Քրիստոսի ծնունդն էլ դրուած է Հերովդէսի 32-րդ տարում: Իսկ ըստ Շ.եակի համակարգի, Հերովդէսի թագաւորութեան սկիզբը Ադամից 5383 տարի յետոյ է, ու Քրիստոսի ծնունդն էլ՝ Հերովդէսի 38-րդ տարում¹⁸:

Յաջորդը մեր ցուցակում Քրիստոսի ծնունդն է: Սրա ժամանակի համար բազում տեղերում տրուած է Ադամից 5198 տարի ըստ ժամանակագրութեան, եւ 5420 տարի ըստ Շ.եակի: Այս պարադոքսում միակ տարածայնութիւնը որոշ տեղերում երբեմն պատահող 5138 (ԲԾԼԸ)-ն է 5198 (ԲԾՂԸ)-ի փոխարէն: Դա էլ, ինչպէս այլ առիթով նշուել է¹⁹, Լ (30) եւ Ղ (90) գրերի նմանութեան-շփոթութեան հետեւանք է, որի շտկելը սկզբունքային դժուարութիւն չի ներկայացնում: Ըստ այսմ, հարկ է բոլոր տեղերում, ուր հանդիպում է Ադամից Քրիստոսի ծնունդեան համար ԲԾԼԸ (5138), այդ թիւը շտկել ԲԾՂԸ (5198)²⁰:

Քրիստոսի ծնունդի համար տրուած է նաեւ Օլիմպիադի տարին. «Ի ԾՂԵ (195) դիմպիադի ծնաւ Քրիստոս» (էջ 228): Այսինքն՝ Օլիմպիադի սկզբից (Օլ. 1.1-ից) 194 օլիմպիադ յետոյ, որ է 194x4=776 տարի: Սա էլ կը տայ ըստ ժամանակագրութեան՝ Ադամից Քրիստոս՝ 4424+776=5200 տարի, իսկ ըստ Շ.եակի՝ 4640+776=5416 տարի: Այս երկու թուերն էլ չեն համընկնում առանձին տրուածներին: Ըստ ժամանակագրութեան ստացուած 5200-ը ²¹ տարով աւելի է առանձին տրուած 5198-ից, իսկ ըստ Շ.եակի ստա-

ցուած 5416-ը ²² տարով պակաս է առանձին տրուած 5420-ից: Ըստ ժամանակագրութեան Օլիմպիադի սկզբից Քրիստոս 774 տարի է, իսկ ըստ Շ.եակի՝ 780 տարի:

Ինչպէս վերը տեսանք, Հերովդէսի ժամանակը քննելիս, Դանիէլի եօթներորդը դրուած է Օլ. 66.1-ին, իսկ Հերովդէսի թագաւորութեան սկիզբը՝ Օլ. 186.4-ին, Դանիէլից 483 տարի անց, որ նոյնացուած է 120 օլիմպիադի հետ: Նոյն տեղում (էջ 228) տրուած է նաեւ «ԵւլԼԲ (32) ամիս Հերովդի ծնաւ Քրիստոս, որ լիմի դիմպիադ ԾԼ (130) եւ բուս թուական ԲՆԻ (5420)»: Այստեղ 130 օլիմպիադը հաշուած է դարձեալ Դանիէլից, այսինքն՝ Օլ. 66.1-ից: Իսկ 66-րդ օլիմպիադից 130 օլիմպիադ անց կը լինի 66+130=196-րդ օլիմպիադը: Այս 196-ը ներդաշնակ է Քրիստոսը Հերովդէսի 38-րդ տարում ծնուած լինելուն (տե՛ս վերը): Իրօք, Հերովդէսի թագ. սկիզբը Օլ. 186.4-ն է. սրանից էլ 38 տարի անց կը լինի Օլ. 196.2-ը: Այսինքն, 195-րդ օլիմպիադը չի ներդաշնակում նաեւ Հերովդէսի տարիներով հաշուած թուերին:

Ընդհանրապէս, ինչպէս այլ առիթով ցոյց է տրուել²³, Սարկաւադը Յիսուսի ծնունդը դրել է ն.Ք. 5 թուի Յունուարի 6-ին: Այդ օրը ընկնում է 193-րդ օլիմպիադի 3-րդ տարուայ մէջ (Օլ. 193.3), քանի որ դրանից յետոյ՝ ն.Ք. 5 թ. Յունիսին սկսում է օլիմպիադի յաջորդ տարին՝ Օլ. 193.4-ը:

Այսինքն, մի կողմից Սարկաւադը Յիսուսի ծնունդը դրել է Օլ. 193.3 տարում (ն.Ք. 5 թ. Յունուարի 6-ին), միւս կողմից էլ տալիս է, որ Քրիստոսը ծնուել է 195-րդ օլիմպիադում, եւ բացի այդ էլ՝ տալիս է, որ դա եղել է Դանիէլի եօթներորդից (Օլ. 66.1-ից) 130 օլիմպիադ յե-

293-2007



տոյ, որն էլ իր հերթին տալիս է Օլ. 196.1, կամ էլ նոյնիսկ՝ դրանից յետոյ:

Ինչպէս երեւում է, ա՛յս ժամանակաշրջանի համար Օլիմպիադի համակարգով տրուած տարիները լաւ չեն ներդաշնակում ըստ Շ.եակի եւ ըստ ժամանակագրութեան տրուած տարիներին: Կան նոյնիսկ ներքին հակասութիւններ՝ Օլիմպիադի համակարգով տրուած տարիների միջեւ: Ըստ այսմ, Օլիմպիադով տրուած տարիներին հարկ է վերաբերուել որոշ վերապահութեամբ:

Մեր ցուցակում յաջորդը Քրիստոսի մկրտութիւնն է: Սրա ժամանակն ուղղակիորէն չի տրուած: Ժամանակագրութեան մէջ կայ. «Ի մկրտութեան միջնէ ցքսան ամեակն Կոստանդիանոսի՝ ամք Յ (300): Անտի միջնէ ցհայ թուականն՝ ՄԻԳ. (224): Եւ ի քսան ամեակն Կոստանդիանոսի միջնէ ցերկուհարիւրեակին գիտ յԱնդրէասայլ՝ ամք ԻԳ(23): Անտի միջնէ ցհայ թուականն՝ ամք Մ (200)» (էջ 132)²⁴: Այս տուեալներով կարելի է մկրտութեան ժամանակը որոշել անուղղակիորէն՝ Անդրէասի 200-եակի եւ Հայոց թուականի սկզբի տարիներից դէպի ետ հաշուելով: Սակայն, կան նաեւ այլ՝ ուղղակի տուեալներ՝ Քրիստոսի մկրտութեան ժամանակի վերաբերեալ: «Եկեղեցական պատմութեան» մէջ Սարկաւազը գրում է. «յորոս ամուր ծնաւ Քրիստոս, ի նոյն ամուր, յետ Լ (30) ամի, ի Յորդանան մկրտեցաւ» (էջ 139): Այսինքն, մկրտութիւնը ծնունդից 30 տարի յետոյ է եղել: «Մեկն. տումարիս Հայկազնեայ» երկում ունենք. «Արդ, ի մկրտութեան տեսան բուն թուականն ՐՆԾ (5450)...» (էջ 234): Սա, իրօք, ծննդեան համար Շ.եակով տրուած 5420-ից 30 տարի աւելի է, որով եւ լրիւ ներդաշնակ է ե՛ւ Շ.եակի 5420-ին, ե՛ւ էլ՝ մկրտութեան 30 տարեկանին: Հիմք ընդունելով այս 30 տարին, ժամանակագ-

րական համակարգում էլ կ'ունենանք. Ադամից Քրիստոսի ծնունդը՝ 5198+30=Ադամից մկրտութիւնը՝ 5228 տարի: Եւ ըստ Շ.եակի էլ մկրտութիւնը կը լինի Ադամից 5450 տարի յետոյ:

Թադէոս առաքեալի ժամանակը տրուած է Յովհաննէսի ժամանակագրութեան մէջ. «Ի Թադէո[սէ] ի հայ թուականն՝ ԾԺԲ (512): Ի ծննդեանն Քրիստոսի ի հայ թուականն՝ [ԾԾ]Գ. (553): Յառաքելոյն Թադէոսէ ի սուրբ Գրիգոր՝ ՄԿԶ (266)» (էջ 132)²⁵: Այստեղ Թադէոսի ժամանակը տրուած է Հայոց թուականի սկզբից 512 տարի առաջ: Միւս կողմից էլ տրուած է. «ՅԱդամայ ի հայ թուականն՝ Ր2ՄԲ (5752)» (էջ 132): Այսինքն, եթէ սրանից հանենք Թադէոսից Հայոց թուականն եղած 512-ը, կը ստանանք 5752 - 512 = Ադամից Թադէոս՝ 5240 տարի: Սա կը նշանակի, որ Թադէոսի առաքելութիւնը դրուած է Քրիստոսի ծնունդից 5240-5198=42 տարի յետոյ: Այս 42 տարին չի ներդաշնակում Հայ պատմագրական աւանդոյթին, ըստ որի, Քրիստոսը ծնուել է Աբգարի 2-րդ (կամ 1-ին) տարում, եւ Աբգարն էլ թագաւորել է 38 տարի (Խորենացի, գիրք Բ, գլ. ԻԶ, ԼԳ): Այսինքն, Քրիստոսի 42-րդ տարում Աբգարը արդէն մահացած կը լինէր: Դա կը լինէր Աբգարի մահից 4, կամ 5 տարի յետոյ, ուստի եւ Աբգարը չէր կարող ընդունել Թադէոսին ու մկրտուել նրանից: Մինչդեռ, ինչպէս վկայում է Մ. Խորենացին, Աբգարին մկրտել է Թադէոս առաքեալը (Խորենացի, գիրք Բ, գլ. ԼԳ): Դժուար է սպասել, որ Սարկաւազ վարդապետը իր կազմած (կամ խմբագրած) ժամանակագրութեան մէջ դնէր Հայոց պատմութեան այդքան հակասող թուեր: Ըստ այսմ, այս 512-ը (որով եւ՝ Քրիստոսից Թադէոս 42-ը) հարկ է վերաբերել: Դա կ'արուի Ս. Գրիգորի ժա-

մանակը քննելիս:

Յաջորդը մեր ցուցակում Փիլիպպոս կայսեր 5-րդ²⁶ տարին է: Սրա ժամանակը տրուած է Սարկաւազի մի շարք աշխատութիւններում: Փիլիպպոսի 5-րդ (2-րդ) տարին, ըստ հայ տոմարական աւանդոյթի, համընկել է Հռոմի հիմնադրման երկրորդ հազարամեակի սկզբի հետ, եւ այդ տարուանից սկսուել է Հռոմի թուականի հաշուարկը՝ բաց թողնելով առաջին հազարամեակը: «Յաղագս Շ.եկի» երկում կայ. «Եւ ո՛չ իմացան թէ՛ յորժամ լցաւ հազար ամ շինութեան քաղաքին Հռոմայ, յառաջնում ամին Փիլիպպեայ, գերկորոյ ամն նորում կայսեր ո՛չ հիմնադրիւնէկի, այլ երկրորդում հազարնէկի սկիզբն կարծել պարտ է գոյ: Եւ լինին անտի միջնէ ի գիտ հիմնադրիւնէկի ամք ՅԺԳ (313): Բայց ոյք ասեմ եթէ ՄՄԲ (252) ի ծննդեանն Կեանարարին մերոյ միջնէ ի սկիզբն թուականին հոռոմոց: Եւ թուական երրայեցոց ի ծննդեանն հարիւր, եւ հաճապագորոյ թուականին հոռոմոց մ (180), եւ միատրեալ գոսսա լինին ՅԼԲ (532), եւ զայն գոյ թուական հոռոմոց լցեալ՝ եւ այլում հիմնադրիւնէկի սկիզբն լեալ գերկորոյ ամն Փիլիպպեայ՝ ստեան: Բանգի թէպէտ այնպէս պատահէ ըստ նոցա, այլ ո՛չ յայնմ ժամանակի եր կանոնեալ բոլորակն այն...» (էջ 237-238):

Յովհաննէսի ժամանակագրութեան մէջ Փիլիպպոս կայսեր տարիները տրուած են բաւական շփոթ կերպով: «Ի քսան ամեակն Կոստանդիանոսի միջնէ ի դիր երկհարիւրեակն ԻԳ (23) ամք եմ՝ ԶԱ (81)²⁷ թուականին հոռոմոց: Յերկորոյ ամն Փիլիպպոսի միջնէ ի քսանամեակն Կոստանդիանոսի, եւ անտի ԻԳ (23) լինին ՄԳ (104)՝ Մ (200) Անդրէասին, միանգամայն ՅԳ (304) միջնէ ի հայ թուականն» (էջ 132):

Ելնելով տարեթուերի իմաստներից, կարելի է սոյն հատուածը մեկնաբանել հետեւեալ կերպ:

Փիլիպպոսի 5-րդ (2-րդ) տարուց մինչեւ Կոստանդիանոսի 20-ամեակը՝ 81 տարի, անտի մինչեւ Անդրէասի 200-եակի սկիզբը՝ 23 տարի (եւ միանգամայն՝ 23 + 81 = 104 տարի), Անդրէասից էլ մինչ Հայոց թուականը՝ 200 տարի, որ կը լինի միանգամայն՝ 104+200=304 տարի: Այս 304-ը ճիշտ թիւ է, քանի որ ըստ Սարկաւազի, Հռոմի երկրորդ հազարամեակի առաջին տարում (Փիլիպպոսի 2-րդ (իմա՝ 5-րդ) տարում) Լուսնի աւազ լրումն եղել է Ապրիլի 13-ին (էջ 254): Իսկ Ապրիլի 13 լրում եղել է Հայոց առաջին թուին, որ է Փրկչ. 553 թ.: Նոյն լրումը եղած կը լինի նաեւ դրանից 304 տարի առաջ՝ 553-304=249 թուին, քանի որ 304 տարին պարունակում է 16 հատ 19-երեակ²⁸ (16x19=304): Այս 249 թիւը ճշգրիտ համընկնում է Հռոմի հիմնադրման երկրորդ հազարամեակի առաջին տարուն:

Քանի որ մեր ունեցած թուերից ամենայուսալին Փիլիպպոսից Հայոց թուական 304 տարին²⁹ է, ապա Փիլիպպոսի տարին կ'որոշենք Հայոց թուականից ետ հաշուելով: Ունենք. «ՅԱդամայ ի հայ թուականն՝ Ր2ՄԲ (5752)» (էջ 132): Սա եւս յուսալի թիւ է եւ ներդաշնակ է ըստ ժամանակագրութեան տրուած այլ թուերին: Ուստի, սրանից հանելով 304-ը, կը ստանանք 5752-304=Ադամից Փիլիպպոսի 5-րդ տարին՝ 5448 տարի ըստ ժամանակագրութեան: Սա կը նշանակի, որ Քրիստոսի ծնունդից Փիլիպպոս էլ կը լինի 5448-5198=250 տարի: Այս 250-ը 2 տարով պակաս է «Յաղագս Շ.եկի» երկից վերաբերեալ հատուածում տրուած 252-ից: Այս անհամաձայն թուերից տուեալ տեղում ճիշտ պէտք է համարել 250-ը, քանի որ վերոնշեալ երկում Սարկաւազը գրում է. «Բայց ոյք ասեմ եթէ ՄՄԲ (252) ի ծննդեանն Կեանարարին...»: Այսինքն, այս 252-ը ի՛ր

տուած թիւը չէ, այլ վերցուած է. այլուստ: Իսկ ընդհանրապէս՝ մեր ճշգրտած միւս թուերի հետ համեմատելով, կարող ենք գտնել, որ սոյն դէպքում ճիշտ են քննարկուող երկու թուերն էլ. 250-ը Քրիստոսից Փիլիպպոս տարիներն են ըստ ժամանակագրութեան, իսկ 252-ը՝ նոյն տարիներն ըստ Շ.եակի:

Ըստ Շ.եակի համակարգի էլ տրուած է. «Ձի... լիմի յԱրամայ միւսն հայ թուականն ... եւ ըստ Շ.եակի թուականին՝ ԲՁԶ (5976)» (էջ 224): Նոյն թիւն է եւ Յակոբ Ղրիմեցու՝ Սարկաւազից համառօտած երկուսը: Այստեղ էլ Հայոց թուականի դրուելու մասին հեղինակն ասում է. «զի յԱրամայ հետէ ԲՁԶ ամ էր» (էջ 295)³⁰:

Այս 5976-ը նշանակում է, որ ըստ Շ.եակի Քրիստոսի ծննդից մինչ Հայոց թուականը կը լինի 5976-5420=556 տարի: Սա ներդաշնակ է Շ.եակի համակարգով Սարկաւազի տուած թուերին, ըստ որոնց՝ Քրիստոսի ծննդեան Հայոց թուականը 508 է (էջ 233)³¹: Կը նշանակի՝ մինչ պարբերաշրջանի աւարտը կը մնայ 532-508=24 տարի: Ուրեմն, Քրիստոսի ծնունդից Հայոց թուականն էլ կը լինի 24+n×532 տարի: n=1 դէպքում սա կը տայ 24 + 532 = 556 տարի, որ լրիւ նոյնական է վերի թուի հետ:

Այս 5976-ից հանելով 304 տարի, կը ստանանք Ադամից Փիլիպպոս կայսեր 5-րդ տարուայ համար ըստ Շ.եակի՝ 5976-304=5672: Սա էլ կը տայ Քրիստոսի ծնունդից Փիլիպպոս՝ 5672-5420=252 տարի: Այսպիսով՝ ըստ ժամանակագրութեան Ադամից Փիլիպպոսի 5-րդ տարին կը լինի 5448 տարի, իսկ ըստ Շ.եակի էլ 5672 տարի:

Մեր ցուցակում վերջինը Ս. Գրիգորի ելքն է վիրապից: Սրա ժամանակը տրուած է ժամանակագրութեան մէջ. «Ի

ծննդէն Քրիստոսի միւսն ըստ Քրիգոր՝ ամք ՅԳ (304): ... Ի սրբոյն Գրիգորէ միւսն ի հայ թուականն ամք ՄՄԲ (252)³²» (էջ 132): Նոյն ժամանակագրութեան մէջ տրուած է նաեւ. «Յառաքելոյն Թադէոսէ ի սուրբ Գրիգոր՝ ՄԿԶ (266)»: (էջ 132): Հայկական տոմարի մեկնութեան մէջ էլ կայ. «Ի ՄԿԹ (269) [ղիմպիաղիմ] սուրբ Հոսիսիմեանքն եկին ի Հայք: Ի ՄՀ (270) զղիմպիաղիմ սուրբն Գրիգոր ձեռնադրի հայրապետ Հայոց» (էջ 228): Այստեղ ժամանակը տրուած է առնուազն 4 տարուայ անորոշութեամբ: Նախ, Ս. Գրիգորի ձեռնադրուելը տրուած է հէնց 4 տարուայ անորոշութեամբ՝ Օլ. 270.1-ից մինչ Օլ. 270.4-ը: Բացի այդ, յստակ չէ՝ Ս. Գրիգորի վիրապից ելքն ու ձեռնադրութիւնը ինչպէս են առնչուում իրար: Ժամանակագրութեան մէջ տրուած է վիրապից ելքը, իսկ այստեղ ասուած է «ձեռնադրութիւն»: Հնարաւոր է, որանք բերուած են միեւնոյն իմաստով, հնարաւոր է նաեւ, որ դրանք դիտուած են իրենց տառացի իմաստով, եւ այդ դէպքում դրանք իրարից կը տարբերուեն մէկ տարով: Եթէ ընդունենք տառացի, ապա Ս. Գրիգորի ելքը վիրապից մէկ տարի առաջ է նրա հայրապետ ձեռնադրուելուց, որով եւ ըստ վերի թուերի կը լինի Օլ. 269.4-ից մինչ Օլ. 270.3 միջակայքի տարիներից մէկն ու մէկը: Սա էլ կը տայ Օլիմպիաղի սկզբից (այսինքն՝ Օլ. 1.1-ից) 268×4+3=1075 տարուց 269×4+2=1078 տարի յետոյ: Եթէ սրան յաւելենք Ադամից Օլիմպիաղ տարիները, կ'ունենանք այս միջակայքը Ադամի տարիներով: Ըստ ժամանակագրութեան, Օլիմպիաղի սկիզբը Ադամից 4424 տարի յետոյ է, իսկ ըստ Շ.եակի՝ 4640 տարի: Ըստ այսմ կը լինի Ադամից Ս. Գրիգոր ըստ ժամանակագրութեան՝ 5499-ից 5502 տարի³³, եւ ըստ Շ.եակի էլ՝ 5715-ից 5718 տարի³⁴:

Արդ, ունենք երեք տարբեր թուեր, որոնց միջոցով կարելի է որոշել Ս. Գրիգորի ժամանակը եւ ունենք քառամեայ (կամ հնգամեայ) մի միջանցք, որից

դուրս այդ ժամանակը չպէտք է լինի: Այդ միջանցքը Օլիմպիաղով որոշուած տարիներն են, իսկ երեք թուերը հետեւեալն են.

Քրիստոսի ծննդից մինչ Ս. Գրիգոր՝	304 տարի,
Ս. Գրիգորից Հայոց թուական՝	252 տարի,
Թադէոսից Ս. Գրիգոր՝	266 տարի:

Նախ սկսենք նրանից, որ այս երեք թուերը իրար այնքան էլ լաւ չեն ներդաշնակում: Դրանցից առաջին երկուսը տալիս են մի բան, իսկ երրորդը՝ այլ բան: Այսպէս. Քրիստոսից Ս. Գրիգոր տրուած 304-ին եթէ գումարենք Ս. Գրիգորից Հայոց թուական 252-ը, պիտի ստանանք Քրիստոսից Հայոց թուական տարիները, որ կը տայ՝ 304+252=556: Սա, ինչպէս յետոյ կը տեսնենք³⁵, այդ միջակայքի համար ըստ Շ.եակի որոշուած ճիշտ ժամանակն է: Կը նշանակի, 304-ն ու 252-ը ըստ Շ.եակի համակարգի տրուած թուեր են եւ ճիշտ են: Գալով Թադէոսից Ս. Գրիգոր 266-ին, սա կը նշանակի, որ եթէ սրան գումարենք Քրիստոսից Թադէոս՝ մեր գտած 42-ը, պիտի ստանանք Քրիստոսից Ս. Գրիգոր՝ 42+266=308 տարի, որ 4 տարով աւելի է ուղղակի տրուածից (տե՛ս վերը): Այսինքն, այս թիւը 4-ով մեծ է պէտք եղածից: Բացի այդ, Թադէոսի ժամանակը, որ հիմնակէտ է ծառայում այս 266-ով հաշուելիս, ինքը ուղղակի տրուած չէ, այլ գտնուած է Սարկաւազի միայն մէկ տեղեկութեան հիման վրայ (Թադէոսից Հայոց թուականը՝ 512 տարի), որով եւ չի բացառուում նաեւ ա՛յդ թուի սխալ լինելը (տե՛ս վերը): Ըստ այսմ, յուսալի թուեր ունենալու համար, հարկ է առաջմ գանց առնել Թադէոսից Ս. Գրիգոր՝ 266-ը, որը՝ նոյնիսկ, եթէ ինքն էլ ճիշտ լինի, դարձեալ կարող է սխալ ար-

դիւնք տալ՝ Թադէոսի ժամանակը սխալ որոշուած լինելու հետեւանքով: Մնում են միւս երկու թուերը՝ 304 տարի՝ Քրիստոսից Ս. Գրիգոր, եւ 252 տարի էլ՝ Ս. Գրիգորից Հայոց թուականը:

Ըստ Շ.եակի հաշուելու պարագայում, սրանք երկուսն էլ տալիս են միեւնոյնը՝ Ադամից 5724 տարի. 5420+304=5724, եւ 5976-252=5724: Այս 5724 տարին անվերապահօրէն ընդունելուն խանգարում է այն, որ սա 6 տարով դուրս է Օլիմպիաղներով ըստ Շ.եակի ստացուած միջակայքից (5715-5718):

Ինչպէս վերը տեսանք (Քրիստոսի ծննդեան թուի կապակցութեամբ), ժամանակային այս հատուածում Օլիմպիաղի համակարգը ներդաշնակ չէ ոչ Շ.եակի համակարգին, ոչ էլ ժամանակագրութեան համակարգին: Ըստ այսմ էլ, կարող ենք այստեղ զանց առնել Օլիմպիաղով տրուած միջակայքը եւ Ս. Գրիգորի ելքը ըստ Շ.եակի դնել Ադամից 5724 տարի յետոյ:

Ըստ ժամանակագրութեան համակարգի ընդունել այս նոյն 304-ն ու 252-ը միաժամանակ՝ չենք կարող: Բանն այն է, որ ա՛յս դէպքում Քրիստոսի ծնունդից Հայոց թուական միջոցը ոչ թէ 556 տարի է (ինչպէս Շ.եակի համակարգով է), այլ 554³⁶: Իսկ այս թուերի գումարը այդ նոյն միջակայքի համար տալիս է 556 տարի: Ուրեմն, այս թուերից գոնէ մէկը պէտք է 2 տարով փոքրացուի: Հարկաւ,

հնարաւոր է նաեւ, որ փոփոխուեն երկուսն էլ, ընդ որում՝ տարբեր ձեւերով:

Նորից դառնանք Թաղէտից Ս. Գրիգոր 266 տարուն եւ սրա հետ միաժամանակ նայենք նաեւ Թաղէտից Հայոց թուական 512 տարին: Այս թուերը երկուսը միաժամանակ ճիշտ լինել չեն կարող, քանի որ դա կը նշանակի, թէ Ս. Գրիգորից Հայոց թուական պիտի լինի 512-266=246 տարի, որ 10 տարով փոքր է ըստ Շ.եակի տրուածից: Միւս կողմից էլ՝ քիչ հաւանական է, որ այս թուերը երկուսն էլ միաժամանակ սխալ լինեն: Այսինքն, խելքի մօտ է ընդունել, որ այս թուերից գոնէ մէկը ճիշտ է: Ինչպէս վերը տեսանք, ընդունելով Թաղէտից Հայոց թուական 512-ը, ստացուում էր, որ Թաղէտի առաքելութիւնը Քրիստոսի ծնունդից 42 տարի յետոյ է, այսինքն՝ համարձակուածից 42-33=9 տարի անց: Սա փոքր-ինչ տարօրինակ թիւ է, այն իմաստով, որ ըստ հայ պատմագրութեան աւանդոյթի, Թաղէտը Հայաստան է առաքել թովմասի կողմից հէնց Քրիստոսի համարձակուելուց յետոյ (Խորենացի, Բ, ԼԳ): Բացի այդ, ինչպէս վերն արդէն ցոյց տրուեց, ըստ այս 42-ի (այսինքն՝ 512-ի), Թաղէտի Հայաստան գալը լինում է Արգարի մահից 4, կամ 5 տարի յետոյ, որ անկարելի է ներդաշնակել Հայոց պատմութեան տուեալներին: Ուրեմն, սխալ է 512-ը: Ցաւօք, ոեւէ բանի սխալ լինելը ապացուցելը շատ աւելի դիւրին է, քան այդ սխալի փոխարէն ճիշտը գտնելը: Թաղէտից Հայոց թուական ճիշտ թիւը գտնելու համար Սարկաւազի երկերում ոեւէ պիտանի մեկնակէտ չունենք: Մնում է, հիմնուել ենթադրութիւնների վրայ: Միակ փոքր ի շատէ խելքի մօտ ենթադրութիւնն այն է, որ այս պարագա-

յում տեղի է ունեցել Ը(8) եւ Բ(2) թուերի շփոթութիւն: Եթէ ընդունենք դա, կը լինի Թաղէտից Հայոց թուական՝ 518 (ՇԺԸ) տարի, որով եւ Թաղէտի առաքելութիւնն էլ կը լինի Քրիստոսից 554-518=36 տարի յետոյ: Սա, իրօք, Արգարի ժամանակ է եւ չի հակասում Խորենացու տուեալներին: Հարկաւ, այս 36-ը եւս ունի տարակուսելի կողմեր³⁷, այդուհանդերձ, աւելի լաւ տարբերակ չունենալու պատճառով, պիտի ընդունենք սա:

Այս դէպքում՝ Քրիստոսից Թաղէտ 36+Թաղէտից Ս. Գրիգոր 266=Քրիստոսից Ս. Գրիգոր՝ 302 տարի: Սրանով եւ՝ Քրիստոսից Ս. Գրիգոր 302+Ս. Գրիգորից Հայոց թուական 252=Քրիստոսից Հայոց թուական՝ 554 տարի: Սա էլ համընկնում է ըստ ժամանակագրութեան համակարգի եղած 554 տարուն: Ուրեմն, ըստ ժամանակագրութեան կը լինի. Քրիստոսից Ս. Գրիգոր՝ 302 տարի եւ Ս. Գրիգորից Հայոց թուական՝ 252 տարի: Սա էլ կը տայ ըստ ժամանակագրութեան՝ Աղամից Ս. Գրիգոր՝ 5198+302=5500 տարի եւ ըստ Շ.եակի էլ՝ Աղամից Ս. Գրիգոր՝ 5420+304=5724 տարի:

Իսկ Թաղէտի առաքելութիւնն էլ կը լինի ըստ ժամանակագրութեան՝ Աղամից 5198+36=5234 տարի եւ ըստ Շ.եակի էլ՝ 5420+36=5456 տարի:

Այսպիսով, կարող ենք ամբողջացուած համարել Աղամի արտաքսումից մինչ Ս. Գրիգորի՝ վերապից ելքը իրադարձութիւնների ժամանակների քննութիւնը:

Արդ, աղիւսակի տեսքով տանք Սարկաւազ վարդապետի տարբեր երկերից մեր քաղած, քննած եւ շտկած ժամանակային տուեալները:

*	Ա	Բ	Գ	Դ	Ե	Զ	Է	Ը	Թ	Ժ	ՃԱ	ԺԲ	ԺԳ	ԺԴ	ԺԵ
Ա	*	1487	2242	2767	3184	3689	4169	4424	4680	5167	5198	5228	5234	5448	5500
Բ		*	755	1280	1697	2202	2682	2937	3193	3680	3711	3741	3747	3961	4013
Գ			*	525	942	1447	1927	2182	2438	2925	2956	2986	2992	3206	3258
Դ				*	417	922	1402	1657	1913	2400	2431	2461	2467	2681	2733
Ե					*	505	985	1240	1496	1983	2014	2044	2050	2264	2316
Զ	3725					*	480	735	991	1478	1509	1539	1545	1759	1811
Է							*	255	511	998	1029	1059	1065	1279	1331
Ը	4640					915		*	256	743	774	804	810	1024	1076
Թ									*	487	518	548	554	768	820
Ժ	5383						1658	743		*	31	61	67	281	333
ՃԱ	5420						1695	780		37	*	30	36	250	302
ԺԲ	5450						1725	810		67	30	*	6	220	272
ԺԳ	5456						1731	816		73	36	6	*	208	266
ԺԴ	5672						1947	1032		743	252	222	210	*	52
ԺԵ	5724						1999	1084		314	304	274	268	52	*

Այս աղիւսակում ձախ եզրային սիւնակում եւ վերելի տողում հայատառ թուանշաններով նշանակուած են հետեւեալ իրադարձութիւնները:

- Ա Աղամի արտաքսումը
- Բ Ենովքի փոխուելը
- Գ Ջրհեղեղը
- Դ Աշտարակաշինութիւնը
- Ե Արազամի ծնունդը
- Զ Հրէից ելքը Եգիպտոսից
- Է Տաճարի շինութիւնը
- Ը Օլիմպիադի սկիզբը
- Թ Տաճարի նորոգումը
- Ճ Հերովդէսի թագ. սկիզբը
- ՃԱ Քրիստոսի ծնունդը
- ՃԲ Քրիստոսի մկրտութիւնը
- ՃԳ Թաղէտ առաքեալ
- ՃԴ Փիլիպպոսի 5-րդ տարին
- ՃԵ Ս. Գրիգորի ելն ի վերապէն

Աղիւսակը աստղանիշ անկիւնագծով բաժանուած է երկու կէսի: Անկիւնագծից աջ ու վեր տրուած են տարիներն ըստ ժամանակագրութեան համակարգի, իսկ անկիւնագծից ձախ ու վար տրուած են տարիներն ըստ Շ.եակի համակարգի: Այս կէսում որոշ վանդակներ պարապ են թողնուած: Պատճառն այն է, որ լրա-

ցուած են միայն այն վանդակները, ուր տրուած են տարիները այն իրադարձութիւնների միջեւ, որոնց ժամանակները՝ Սարկաւազից մեզ հասած գործերում այս կամ այն կերպ տրուած են Շ.եակի համակարգով: Լրացուած չեն վանդակներն այն իրադարձութիւնների, որոնց ժամանակները ըստ Շ.եակի ուղղակիօրէն, կամ անուղղակի տրուած չեն:

Նախորդ գլխում ի մի բերեցինք Սարկաւազ վարդապետի ժամանակային տուեալները Աղամի արտաքսումից մինչեւ Ս. Գրիգոր: Արդ, նայենք, թէ ինչ են տալիս նրա ժամանակային տուեալները Ս. Գրիգորին յաջորդող ժամանակների համար:

Նախ նկատենք, որ յարմար է, մեր ցուցակի յաջորդ հատուածը եւս բաժանել մասերի. նախ քննել մինչեւ Հայոց թուականի հիմնումն ու Շ.եակի սկիզբը եղած հատուածը, եւ ապա միայն անցնել յաջորդ իրադարձութիւններին: Ընդհանրապէս, Հայոց թուականի հիմնումն ու Շ.եակի սկիզբը հայ տոմարագիտութեան

մէջ շատ են հոլովուած՝ իբր դարագլուխ իրադարձութիւններ: Բացի այդ, սրանց ժամանակը հնարաւոր է որոշել նաեւ զուտ տոմարագիտական եղանակներով՝ հիմք ընդունելով Լուսնի լրումների եւ այլ տոմարական մակաչափերի մասին մեզ հասած բազմաթիւ տուեալները: Ուստի, այս ժամանակահատուածի իրադարձութիւնները կը քննենք միասնաբար, ընդ որում՝ կը հիմնուենք ոչ թէ իրադարձութիւնների ժամանակային հերթականութեան, այլ դրանց օրացուցային կարեւորութեան, առանցքայնութեան վրայ:

Նախ ճշգրտենք Հայոց թուականի սկիզբն ու Շեակի սկիզբը: Սրանց ժամանակները տրուած են ե՛ւ ըստ Շեակի, ե՛ւ էլ ըստ ժամանակագրութեան համակարգերի: Ըստ ժամանակագրութեան ստացւում է Քրիստոսի ծնունդից մինչեւ Հայոց թուականը 554 տարի, իսկ ըստ Շեակի էլ՝ 556 տարի:

Ընդհանրապէս, այս իրադարձութեան ժամանակը Սարկաւազի երկերում տրուած է ոչ միարժէք: Այսպէս, ժամանակագրութեան մէջ ունենք. «Անտի (ի ծննդեանէն Քրիստոսի - Գ. Բ.) մինչեւ ի հայ թուականին դիր՝ ԾԾԳ (553): Ինչ ամաւ զկնի հիմնադրութեան տարւոյն եւ տարւոյն ի հայ թուականին ԾԾԳ (553)»³⁸: Մի քանի տող անց կրկնուում է. «Ի ծննդեանէն Քրիստոսի ի հայ թուականին՝ ԾԾԳ (553)»³⁹: Նոյն 553 տարին է տրուած նաեւ տոմարական պատճէնի մէջ (էջ 217): Նոյնն է նաեւ Սարկաւազի աշխատութիւնից Յակոբ Լրիմեցու համառօտած երկում (էջ 295):

Միեւնոյն ժամանակ, Սարկաւազը տալիս է. «ՅԱդամայ ի հայ թուականն ԲԶԾԲ (5752): Ի շրճեղեղէն ի հայ թուականն ՎԾԺ (3510): ՅԱրարատէ ի հայ թվականն՝ ՍԾԿԸ (2568)»⁴⁰: Ի Մովսէսէ ի հայ թվականն՝ ՍԿԳ

(2063)» (էջ 132): Այս թուականները բոլորն էլ նշանակում են, որ Քրիստոսի ծնունդից մինչ Հայոց թուականի սկիզբը պիտի լինի ոչ թէ 553, այլ 554 տարի: Իրօք, եթէ Ադամից Հայոց թուական 5752-ից հանենք Ադամից Քրիստոս 5198-ը, կը ստանանք 5752-5198=554 տարի: Նաեւ՝ ջրհեղեղից Հայոց թուական 3510-ից հանենք ջրհեղեղից Քրիստոս 2956 տարին, կը ստանանք՝ 3510-2956=554 տարի: Նաեւ՝ Աբրահամից Հայոց թուական 2568-ից հանենք Աբրահամից Քրիստոս 2014 տարին, կը ստանանք՝ 2568-2014=554 տարի: Նոյնն է եւ Մովսէսի տարիներով. 2063-1509=554 տարի:

Այսինքն, ստանում ենք, որ ըստ Ադամի, ջրհեղեղի, Աբրահամի, Մովսէսի համար տրուած տարիների, Հայոց թուականը դրուել է Քրիստոսի ծնունդից 554 տարի յետոյ: Նոյնն է տալիս եւ Յովհաննէսի մի այլ վկայութիւնը. «Ի միտութեան միմեան քրսան ամեակն Կոստանդիանոսի՝ ամբ Թ (300): Անտի մինչեւ ցհայ թուականն՝ ՄԻԳ (224)» (էջ 132)⁴¹: Ըստ սրա էլ մկրտութիւնից Հայոց թուական լինում է 300+224=524 տարի: Նկատի ունենալով, որ մկրտութիւնն էլ ծնունդից 30 տարի յետոյ է, կը ստանանք 30+524=554 տարի՝ ծնունդից մինչ Հայոց թուական: Միեւնոյն ժամանակ, սրան զուգահեռ՝ նոյն հեղինակի նոյն երկում տրուած է նաեւ, որ Քրիստոսի ծնունդից մինչ Հայոց թուականի հիմնումը 553 տարի է: Ինչպէ՞ս յաղթահարել այս մէկ տարուայ զանազանութիւնը: Հարկաւ, շատ դայթակղիչ է, այստեղ իբր բացատրութիւն ընդունել, որ սոյն տեղում 554 (ԾԾԴ)-ի 4 (Դ)-ը շփոթուել-դարձել է 3(Գ) եւ տուել 553 (ԾԾԳ): Սակայն, այս դէպքում այս բացատրութիւնը բաւարար չէ: Բանն այն է, որ վերը մէջբերուած հա-

տուածում տեսանք, որ այս 553-ից յետոյ տրուած է նաեւ Հայոց թուականից 9 տարի անց եղած իրադարձութեան՝ Շեակի դրուելու ժամանակը՝ Քրիստոսի ծնունդից 562 տարի յետոյ: Եւ իրօք. 553+9=562: Այսինքն, այս 553-ը սոյն տեղում վրիպակ չէ, զի հակառակ դէպքում, դա չպիտի ներդաշնակէր դրան կից տրուած 9 տարուայ եւ 562 տարուայ հետ: Այսինքն, 553-ը այստեղ իր անմիջական հարեւան թուերով ճիշդ է, բայց միեւնոյն ժամանակ, նա (բնականաբար՝ իր հարեւան թուերը եւս) չի ներդաշնակում ժամանակագրութեան ընդհանուր համակարգին: Այս անհամաձայնութիւնը կարելի է բացատրել մի քանի կերպ:

ա. Հնարաւոր է, այս 553-ը եւ իրեն կից մի քանի թուերը Յովհաննէսի ժամանակագրութեան մէջ ներմուծուել են այլուստ՝ մի բոլորովին այլ ժամանակագրական համակարգից:

բ. Հնարաւոր է նաեւ, որ նախապէս եղած լինի 554, ապա այդ 554-ը աղաւաղուած-դարձած լինի 553, եւ ապա ըստ այս 553-ի էլ շտկուած լինեն դրան կից թուերը (562-ը եւ 9-ը):

Այս երկրորդ տարբերակը քիչ հաւանական է: Ուստի, պիտի համարենք, որ Քրիստոսից Հայոց թուական 553 տարի վկայող հատուածը շարադրանքի մէջ ներմուծուած է այլուստ: Դա է վկայում նաեւ այն, որ բոլոր տեղերում սոյն հատուածը գրուած է միակերպ, որ յուշում է այդ բոլոր հատուածների միեւնոյն աղբիւրից արտագրուած լինելը:

Բացի այդ, 554-ը ոչ թէ ուղղակի գրուած է, որ հնարաւոր լինէր ենթադրել դրա աղաւաղումը, կամ յետսամուտ լինելը, այլ բղիտում է Սարկաւազի ժամանակագրական համակարգի բազմաթիւ այլ թուականներից, մինչդեռ 553-ը ուղղակի

տրուած թուական է, որ ենթակայ է աղաւաղուած, կամ այլուստ ներմուծուած լինելու:

Այսպիսով, ըստ ժամանակագրութեան, Հայոց թուականը դրուել է Քրիստոսի ծնունդից 554 տարի յետոյ:

Ըստ Շեակի համակարգի այս նոյն միջոցը 556 տարի է: Իրօք, ինչպէս այլ առիթով արդէն նշուել է⁴², «Մեկն տուսարի Հայկազնայ» երկում Սարկաւազը տալիս է. «ՄԱդամայ մինչեւ հայ թուականն Գ ըստ Թ. Ե. կին թուականին՝ ԲԶԶԶ (5976)» (էջ 224): Այս թուից եթէ հանենք ըստ Շեակի Ադամից Քրիստոս եղած 5420 տարին, կը ստանանք. 5976-5420=556 տարի՝ Քրիստոսից Հայոց թուական: Այս նոյն 556-ը ստացւում է նաեւ հետեւեալ կերպ: «Մեկն. տում. Հայկ.» երկում կայ. «Լինի ի ծննդեանն Քրիստոսի հայոց թուականն ԹԸ (508) եւ հոռովմն՝ ՄԶ (280)» (էջ 226): Ինչպէս արդէն նշուել է⁴³, այս 508-ը Հայոց Մեծ թուականն է, միայն՝ 532-ամեակներով պարբերացուած եւ դէպի ետ կիրառուած: Եթէ Քրիստոսի ծնունդը այս թուականով 508 թուին է, իսկ Հայոց թուականի սկիզբն էլ, բնականաբար, պիտի լինի 1 թուականին, ապա կարող ենք հաշուել հետեւեալ կերպ. 1 թուականը նոյնն է ինչ եւ 532+1=533 թուականը: Ուրեմն, Քրիստոսից Հայոց թուական կը լինի (533-508+n×532) տարի, որտեղ n-ը բնական թիւ է (0, 1, 2, գ): n=0 դէպքում սա կը տայ 533-508+0=25 տարի, որ ընդունելի չէ: n=1 դէպքում կը լինի. 533-508+1×532=557 տարի: Այստեղ ստացւում է 556-ից մէկ տարով աւելի: Այս մէկ յաւելեալ տարին գալիս է նրանից, որ Քրիստոսի ծնունդից (Յունուարի 6-ից) մինչեւ Աթանաս Տարօնացու սահմանած Հայոց Մեծ թուականի սկիզբը (Յուլիսի 11-ը) կէս տարի է, իսկ տարին

էլ՝ քրիստոնէական տոմարում հաշուել է գարնանամուտից գարնանամուտ, որով եւ Յունուարի 6-ից դրան յաջորդող Յուլի 11-ը անցնելիս, արանքում (Մարտի 20-ին) անցնում ենք «յաջորդ տարուայ» մէջ. այսինքն, մեր տարեհաշուին յաւելուում է մէկ տարի:

Նոյնն է ստացւում նաեւ, եթէ Հաշուենք Լուսնի աւագ լրման⁴⁴ օրերով: Այսպէս. ունենք. «Արդ՝ ի ծննդեանն (Քրիստոսի - Գ. Բ.) վերադիր ԻԵ (25), եթանդեանն եթն, լրումն ի մարտի ԻԱ (21), արն երեքշաբթ» (էջ 233): Իսկ միեւնոյն ժամանակ, ունենք, որ Հայոց 1 թուականին վերադիրը (հոմէական) Լ (30) է, իսկ լրումը՝ Ապրիլի ԺԳ (13)-ին⁴⁵: Այստեղ վերը մէջբերուած հատուածում 25 (ԻԵ) վերադիրը հոմէական վերադիրն է, ընդ որում՝ նոր վերադիրը⁴⁶: Այդ տարուայ հին վերադիրը կը լինի 23 (ԻԳ)⁴⁷: 23 վերադիրն ու Մարտի 21 լրումը համապատասխանում են 19-երեակի 5-րդ տարուն⁴⁸, իսկ 30 վերադիրն ու Ապրիլի 13 լրումը համապատասխանում են 19-երեակի 11-րդ տարուն⁴⁹: 19-երեակի 5-րդ տարուց մինչեւ 11-րդ տարին 6 տարի է: Սակայն, քանի որ դործ ունենք պարբերաշրջանի հետ, այդ տարբերութիւնը կարող է լինել ընդհանուր դէպքում $(6+n \times 19)$ տարի, որ $n=29$ -ի դէպքում կը տայ $6+29 \times 19=557$ տարի: Այստեղ եւս ստացւում է 556-ից մէկ տարով աւելի: Վերը արդէն տեսանք, թէ ինչպէս է առաջանում այս մէկ յաւելուալ տարին, այնպէս որ այս մէկամեայ տարբերութիւնը աւելի թուացեալ է, քան իրական եւ 556-ը ընդունելուն չի խանգարում:

Նոյնը կը ստացուի նաեւ, եթէ Հաշուենք՝ հիմք ընդունելով Յայտնութեան ամիս-ամսաթուերը: Իրօք, Սարկաւազը յայտնում է, որ Քրիստոսի ծննդեան բուն

օրը եղել է Հոռի 10-ին (էջ 232), միեւնոյն ժամանակ, Հայոց առաջին թուականին էլ Յայտնութիւնը եղել է Արաց Լ (30)-ին⁵⁰: Հոռի 10-ից մինչ Արաց 30 միջոցը 140 օր է: Իսկ որպէսզի ամսաթիւը փոխուէր 140 օրով, անհրաժեշտ է, որ անցնէր $140 \times 4 = 560$ տարի: Այստեղ էլ ունենք քառամեայ տարբերութիւն: Սա էլ արդիւնք է դարձեալ նոյն՝ վերը նշուած կէս տարուայ տարբերութեան, որը, յառաջացրել է մէկ տարուայ սխալ, այդ մէկ տարին էլ բազմապատկուելով 4 տարով (նահանջների պարբերութեամբ), տուել է աստ ի յայտ եկած քառամեայ տարբերութիւնը: Այսինքն, Յայտնութեան ամսաթուերը եւս տալիս են՝ Քրիստոսի ծննդից Հայոց թուական՝ 556 տարի:

Այսպիսով, ի մի բերելով ասուածը, ստանում ենք, որ Հայոց թուականի սկիզբը դրուել է Քրիստոսի ծնունդից 554 տարի յետոյ՝ ըստ ժամանակագրութեան (եթեանասնից), եւ 556 տարի յետոյ՝ ըստ Շեակի համակարգի:

Գալով Շեակի սկզբին, անհրաժեշտ է, որ սա էլ լինի Հայոց թուականի սկզբից 9 տարի յետոյ: Այս 9 տարին բղխում է օրացուցային իրողութիւններից: Այսպէս. Հայոց թուականը հիմնուել է Անդրէասի 200-եակի⁵¹ աւարտից անմիջապէս յետոյ, այնպէս, որ Հայոց թուականի առաջին Ջատիկը եղել է Անդրէասի զատկացուցակի վերջին Ջատիկի անմիջական յաջորդը (Փ. 553 թուականինը): Իսկ Անդրէասի 200-եակն էլ աւարտուել է 19-երեակի 10-րդ տարով, եւ դեռ 9 տարի կար մինչեւ 19-երեակի լրումը եւ յաջորդ 19-երեակի սկիզբը: Էստեան Շեակն էլ սկսուել է նոր 19-երեակի սկզբով՝ առաջին տարով, որով եւ Հայոց թուականի սկզբից մինչ Շեակի սկիզբը պիտի լինի հէնց 9 տարի:

րի⁵²: Այս 9 տարին պիտի նոյնը լինի ե՛ւ ժամանակագրութեան, ե՛ւ էլ Շեակի համակարգերով: Այնպէս որ, ըստ այսմ, Շեակի սկիզբը կը լինի ըստ ժամանակագրութեան՝ Քրիստոսի ծնունդից $554+9=563$ տարի յետոյ, իսկ ըստ Շեակի էլ՝ $556+9=565$ տարի յետոյ: Այս թուերը, ինչպէս երեւում է, հակասում են վերը մէջբերուած հատուածում Սարկաւազի տուած 562-ին: Սակայն, ինչպէս արդէն նշուեց, հարկ է ընդունել, որ այդ հատուածը Սարկաւազի երկերում ներմուծուած է այլուստ, ուստի եւ անհարազատ է:

Յաջորդ առանցքային իրադարձութիւնը Անդրէասի 200-եակի սկիզբն է: Սրա ժամանակը յայտնի է օրացուցային բազմաթիւ տեղեկութիւնների հիման վրայ⁵³: Անդրէասի 200-ամեայ զատկացուցակի առաջին Ջատիկը եղել է Փ. 353 թ. (Ապրիլի 11-ին): Թէ ինչ տարեմուտ է ընդունել Անդրէասը, դժուար է միանշանակ ասել, սակայն հիմք ունենալով այն, որ Անդրէասի տոմարի մէջ տարեմուտ (եւ ընդհանրապէս՝ սկիզբ՝ արարչութեան ժամանակ) է համարուած գարնանամուտը, կարելի է համարել, որ այս 200-ամեայ զատկացուցակի տարին եւս հաշուել է գարնանամուտից:

Յովհաննէսի ժամանակագրութեան մէջ ունենք. «Ի քսան ամէն Կոստանդիանոսի միւնչեւ ի դիր երկհարիւրնկին ԻԳ (23) ամբ են՝ ՁԱ (81) թուականին հոռոմոց: Յերկրորդ ամէն Փիլիպպոսի միւնչեւ ի քսանամեակն Կոստանդիանոսի, եւ անտի ԻԳ (23) լիմի ԺԳ (104)՝ Մ՝ (200) Անդրէասին, միամգամայն ԹԳ (304) միւնչեւ ի հայ թուականն» (էջ 132): Այս հատուածը որոշակիօրէն աղաւաղուած է⁵⁴: Այդուհանդերձ, իմաստը կարելի է հասկանալ բաւական մեծ յուսալիութեամբ: Այսպէս. տրուած է Կոստանդիանոսի 20-

ամեակից մինչեւ Անդրէասի 200-եակի սկիզբը՝ 23 տարի: Փիլիպպոսի 5-րդ⁵⁵ տարուց մինչ Կոստանդիանոսի 20-ամեակը՝ 81 տարի: Դրանց գումարը տալիս է՝ Փիլիպպոսի 5-րդ տարուց մինչ Անդրէասի 200-եակը՝ $23+81=104$ տարի: Դրան էլ յաւելելով Անդրէասի 200 տարիները, կը ստանանք Փիլիպպոսի 5-րդից մինչ Հայոց թուական՝ $104+200=304$ տարի: Այսինքն, ըստ այս մէջբերման, Անդրէասի 200-եակի սկիզբը Հայոց թուականից 200 տարի առաջ է եւ Փիլիպպոսի 5-րդից էլ՝ 104 տարի յետոյ: Միաժամանակ, պարզուում է նաեւ Կոստանդիանոսի 20-ամեակի տեղը՝ Փիլիպպոսի 5-րդից 81 տարի յետոյ եւ Անդրէասի 200-եակից էլ 23 տարի առաջ:

Եթէ այս տարիները վերածենք Ադամի արտաքսման թուականի, կը ստանանք՝ ըստ ժամանակագրութեան Ադամից մինչ Փիլիպպոսի 5-րդը՝ $5448+$ Փիլիպպոսի 5-րդից մինչ Կոստանդիանոսի 20-ամեակը՝ $81=$ Ադամից մինչ Կոստանդիանոսի 20-ամեակը՝ 5529 տարի: Իսկ ըստ Շեակի համակարգի էլ կը լինի. Ադամից Փիլիպպոսի 5-րդը՝ $5672+81=$ Ադամից Կոստանդիանոսի 20-ամեակը՝ 5753 տարի:

Անդրէասի 200-եակի սկզբի համար էլ կ'ունենանք ըստ ժամանակագրութեան՝ Ադամից Հայոց թուական՝ 5752-200=Ադամից Անդրէաս՝ 5552 տարի: Ըստ Շեակի էլ կը լինի. Ադամից Հայոց թուական՝ $5976-200=$ Ադամից Անդրէաս՝ 5776 տարի: Այս թուերը ներդաշնակ են նաեւ Կոստանդիանոսի 20-ամեակից Անդրէասի 200-եակի սկիզբը 23 տարի լինելուն: Իրօք, ըստ Շեակի՝ $5776-5753=23$ տարի: Եւ ըստ ժամանակագրութեան էլ՝ $5552-5529=23$ տարի:

Առաջ անցնելով, նախ փորձենք

պարզել Նիկիոյ, Կ. Պօլսի, Եփեսոսի եւ Քաղկեդոնի ժողովների ժամանակները: Արանք բոլորը տրուած են միասնաբար՝ Յովհաննէսի ժամանակագրութեան մէջ. «Ի ծննդեան Բրիստոսի ի Նիկիա ժողովն՝ ամբ ՅԻԳ (323)⁵⁶: Անտի ի Կոստ[անդ]իմուպալսի ժողովն՝ ամբ ՀԳ (73)⁵⁷: Անտի յԵփեսոսի առաջին ժողովն՝ ամբ Մ (50)⁵⁸: Անտի Քաղկեդոնի ժողովն՝ ամբ ԻԷ (27): Անտի ի Դվան[յ] ժողովն՝ ի Հալք՝ ամբ ԼԶ (36): Անտի ի քաղաքի ժողովն՝ ի սուրբ Կաթողիկէ՝ ամբ Ղ (90), յորում որոշեցին Յոհան Տիկորեցի: Եւ էր թուականն հայոց ԾՀԳ (173): Եւ յելիցն ի Վիրապէն սրբոյն Գրիգորի՝ ամբ ԾԼԳ (533)⁵⁹: Եւ ի թարգմանութեան հայոց գրոյս՝ ամբ Յ (300)⁶⁰ (էջ 132):

Այստեղ ունենք իրար ազդեցուած թուերի մի շարք, եւ հարկ է դրանք ճշդել բոլորը միասին: Այսինքն վերջին տուեալներէն: Քաղաքի (իմա՝ Վաղարշապատի) ժողովի ժամանակի համար տրուած է.

ա. Հայոց թուականը՝ ՃՀԳ (173),

բ. Ս. Գրիգորից ԾԼԳ (533) տարի յետոյ, ու նաեւ՝

գ. Ս. Գրքի Հայերէն թարգմանութիւնից Յ (300) տարի անց⁶¹:

Արանց հետ մէկտեղ, ինչպէս վերը պարզեցինք, Քրիստոսի ծննդից Հայոց թուական 554 տարի է (ըստ ժամանակագրութեան համակարգի), ուրեմն, Հայոց 173 թուականը կը լինի Քրիստոսից 554+172=726 տարի: Պարզել ենք նաեւ, որ Քրիստոսից Ս. Գրիգոր 302 տարի է: Ուրեմն, Քրիստոսից քաղաքի ժողովը կը լինի 302+533=835 տարի: Սա շատ է տարբեր վերի 726-ից, եւ աւելի խելքի մօտ է ճիշդ համարել Հ. Ոսկեանի օրինակում այս 533-ի փոխարէն տրուած 433-ը: Ըստ այսմ, կը լինի 302+433=735 տարի:

Միւս կողմից էլ՝ վերը մէջբերուած

հատուածում ժողովների տարիներն իրար գումարելով, կը ստանանք. Քրիստոսից Նիկիա՝ 323+Նիկիայից Կ. Պօլիս՝ 73+ անտի մինչ Եփեսոսի ժողովն՝ 50+Եփեսոսից Քաղկեդոն՝ 27+անտի Դուիւնի ժողովն՝ 36+անտի մինչ քաղաքի ժողովն՝ 90=599 տարի՝ Քրիստոսի ծննդից մինչ Վաղարշապատի ժողովը: Այսպիսով, միեւնոյն միջակայքի համար ստանում ենք.

ա. 599 տարի՝ ըստ ժողովների տարիների գումարի,

բ. 726 տարի՝ ըստ Հայոց թուականի,

գ. 735 տարի՝ ըստ Ս. Գրիգորի տարիների (կամ՝ 835՝ եթէ չուղղենք ըստ Հ. Ոսկեանի օրինակի):

Այս թուերից 599-ը, թերեւս, կարելի է մի փոքր շտկել: Բանն այն է, որ Սարկաւազի աշակերտ Սամուէլ Անեցու պատմութեան մէջ Եփեսոսի առաջին ժողովից 24 տարի անց նշուած է նաեւ Եփեսոսի երկրորդ ժողովը⁶²: Արդ, եթէ ընդունենք, որ Յովհաննէսի բնագրում էլ նախապէս եղել է այս 24 տարին՝ Եփեսոսի երկրորդ ժողովով, որ յետոյ բաց է թողնուել Եփեսոսի առաջին եւ երկրորդ ժողովները իրար հետ շփոթելու հետեւանքով, կարող ենք այս 599-ին յաւելել եւս 24 տարի, որով եւ նոյն ժամանակի համար կ'ունենանք 599+24=623 տարի: Այդուհանդերձ, այս 623-ը եւս էապէս փոքր է միւս երկու թուերից:

Մեր ստացած երեք թուերից՝ 599 (623), 726 եւ 735-ից առաջինը ստացուած է 6 (կամ 7) տարբեր թուերի գումարից, իսկ վերջին երկուսը՝ մէկական թուերի եւ համապատասխան դարաշրջանի տարիների գումարից: Այսինքն, եթէ այս երեք թուերի անհամաձայնութեան պատճառը փնտռենք գրչական աղաւաղում-վրիպակների մէջ, ապա առաջին թուի սխալը գտնել չենք կարող (սխալը կարող էր կա-

պուած լինել դրա 6, կամ 7 գումարելիներից ունէ մէկի, կամ միաժամանակ՝ մի քանիսի հետ): Ուրեմն, հարկ է սխալը փնտռել 726-ի եւ 735-ի մէջ: Այս երկու թուերը գոյացել են Սարկաւազի տուած ՃՀԳ (173) եւ ՆԼԳ (433) թուերից: Այս երկու թուերի վերջին նիշը Գ (3) է, որ ենթակայ է դիւրաւ Դ (4) դառնալու: Հ (70)-ը դիւրաւ շփոթելի է, իսկ Լ (30)-ը կարող էր շփոթուել Ղ (90)-ի եւ Ի (20)-ի հետ: Լ (30)-ի փոխարէն Ղ (90) ենթադրելը ոչինչ չի տալիս: Իսկ, եթէ ընդունենք, որ նախապէս Լ (30)-ի տեղում եղել է Ի (20), ապա ՆԼԳ (433)-ի փոխարէն կը ստանանք ՆԻԳ (423): Եթէ սրան էլ աւելացնենք միւս հաւանական սխալը՝ Գ (3)-ի փոխարէն Դ (4), ապա կը ստանանք, որ շատ հաւանական է՝ նախապէս ՆԼԳ (433)-ի փոխարէն եղել է ՆԻԴ (424)⁶³: Եթէ ընդունենք այս ենթադրութիւնը, ապա կը ստանանք, որ ըստ Ս. Գրիգորի տարիների, պիտի լինի Քրիստոսի ծննդից քաղաքի ժողովը եւս՝ 726 տարի (302+424=726): Ուրեմն, եթէ վերն առաջարկուած ուղղումները ընդունենք, կը ստացուի, որ ե՛ւ ըստ Հայոց թուականի, ե՛ւ էլ ըստ Ս. Գրիգորի տարիների կ'ունենանք Քրիստոսի ծննդից մինչ ինչորոշ առարկայ ժողովը՝ 726 տարի: Եւ, ըստ այսմ, սխալ պիտի համարուեն վերի մէջբերեալ հատուածում տրուած՝ ժողովների տարիները, որոնց գումարով ստացուել էր 599 (կամ 623) տարի:

Այս 726-ի հետ ներդաշնակ է եւ Ս. Գրքի թարգմանութիւնից 300 տարի անց եղած լինելը: Իրօք, ինչպէս յայտնի է, Ս. Գրքի Հայ. թարգմանութիւնը Մեսրոպ Մաշտոցի, Սահակ Պարթևի եւ նրանց աշակերտների ձեռքով կատարուել է Փրկչ. 405-430 թթ. միջակայքում. ամէն դէպքում՝ նախքան 431 թ. Եփեսոսի տիեզե-

րական ժողովը⁶⁴: 726-ից 300 տարի առաջ կը լինի 726-300=426 տարի Քրիստոսի ծննդից յետոյ⁶⁵:

Ստացւում է, որ այս ժողովի ժամանակը՝ Քրիստոսից 726 տարին ներդաշնակ է ե՛ւ Հայոց 173 թուականին, ե՛ւ Ս. Գրքի թարգմանութիւնից 300 տարի անց եղած լինելուն, ե՛ւ էլ Ս. Գրիգորից 424 տարի յետոյն⁶⁶: Այսինքն, այս թիւը կարող ենք համարել բաւական յուսալի: Միւս կողմից էլ, ինչպէս արդէն նշուեց, այս 726-ը բնաւ չի ներդաշնակում ժողովների միջեւ եղած տարիների գումարին, որ տալիս է Քրիստոսից՝ 599 տարի: Միեւնոյն ժամանակ՝ այլ աղբիւրների հետ համեմատութիւնը ցոյց է տալիս, որ շփոթութիւն կայ նաեւ այս ժողովների նոյնացման խնդրում:

Այսպէս. Սամուէլ Անեցին տալիս է Քրիստոսի ՁԻԷ (727) թուականին «Ժողովն Մանազկերտոյ ի Տէր Յովհաննէս Օծնեցոյն» վասն Քաղկեդոնի աղանդոյն⁶⁷: Սարկաւազից աւելի քան 100 տարի առաջ գրուած թղթեայ ձեռագրում էլ տրուած է ժամանակական կանոն, որում Հայոց ՃՀԲ (172) թուին դրուած է. «Ժողովն Մանազկերտոյ, որում զխմորն եւ զջուրն ի խորհրոյն բարձին»⁶⁸: Անկասկած է, որ Սամուէլ Անեցու երկում ու նաեւ յիշեալ ձեռագրում խօսքը միեւնոյն ժողովի մասին է, եւ դա էլ հէնց այն ժողովն է, որ Սարկաւազի մօտ դրուած է Հայոց 173 թուին, այսինքն՝ Քրիստոսից 726 տարի անց: Միւս կողմից՝ այս ժողովի առթիւ Սարկաւազի ժամանակագրութեան մէջ նշուած է Յովհան Տեկորեցին: Մինչդեռ այս նոյն Յովհան Տեկորեցու մասին յիշեալ ձեռագրի ժամանակական կանոնում նշուած է Հայոց Լ (30) թուին, ինչ-որ չորրորդ ժողովի կապակցութեամբ. «աղվանք քաղկիդոնիկ եղն. ժողով արարին չոր-

րորդ գհա[յ]ոց վարդապետքն եւ անքա հաւա-
նեցան եւ գյոհան ի տեկորա ի կարին կաթողի-
կոս Աստուցին»⁶⁹:

Ակնյայտ է, որ ժամանակագրութեան
այս մասում կայ լուրջ աղաւաղում:
«Քաղաքի ժողով ի սուրբ կաթողիկէն» նշա-
նակում է Վաղարշապատի ժողով՝ Ս. Էջ-
միածին մայր տաճարում: Սա դժուար թէ
շփոթուէր Մանազկերտի հետ: Ուստի,
մնում է եզրակացնել, որ այստեղ մի կա-
րելոր հատուած բաց է թողնուած նախ-
նական բնագրից:

Հայոց ձՀԳ (173) թուականին մօտ՝
այլ աղբիւրներում ունենք Մանազկերտի
նշանաւոր ժողովը, որ գումարել է Յով-
հան Օձնեցի Հայրապետը, ուր եւ նգո-
վուել է Քաղկեդոնի դաւանանքը: Մա-
մուէլ Անեցին Քրիստոսի 727-ին դնում է
Մանազկերտի ժողովը, որ, ըստ նրա ժա-
մանակագրական համակարգի, կը լինի
Հայոց 174 թուին⁷⁰: Ըստ Արշակ Տէր-Մի-
քելեանի, Յովհան Օձնեցին ինքը Մա-
նազկերտի ժողովը դրել է Հայոց ձՀԵ
(175) թուի Տրէ ամսի 7-ին⁷¹: Ասողիկն էլ
Մանազկերտի ժողովը դրել է Օձնեցու
11-ամեայ Հայրապետութեան ընթացքում,
որն ըստ նրա՝ պիտի եղած լինի Հայոց
171-182 թուերին⁷²: Մաշտոցեան Մատե-
նադարանի թիւ 2679 ձեռագրում էլ Մա-
նազկերտի ժողովը դրուած է Հայոց ձՀԲ
(172) թուին⁷³: Ուրեմն, ստանում ենք, որ
Հայոց 170-ական թուականներին եղել է
իրօք Մանազկերտի ժողովը, եւ, ըստ
այդմ, Յովհաննէսի ժամանակագրութեան
մէջ նշուած ժամանակը, որ ճշդեցինք իբր
Քրիստոսի 726 թ., վերաբերում է հէնց
Մանազկերտի ժողովին (եւ ոչ Քաղաքի
ժողովին ի Ս. Կաթողիկէն): Յովհան Տե-
կորեցին էլ, եթէ ղնենք Հայոց Լ (30)
թուին, ինչպէս տալիս է ՄՄ. թիւ 2679
ձեռագիրը, կը լինի Քրիստոսից 583 տա-

րի յետոյ, որ միայն 16 տարով է տար-
բերում Քաղաքի ժողովի համար (տար-
բեր ժողովների տարիներն իրար գումա-
րելով) վերն ստացուած 599 տարուց:
Սրանից էլ կարելի է հետեւեցնել, որ Յով-
հաննէսի ժամանակագրութեան սոյն հա-
տուածում իրօք ունենք բացթողում: Բաց
թողնուած հատուածը եղել է «գյոհում ո-
րոշեցին Յոհան Տիկորեցին»-ից յետոյ եւ
դրան յաջորդող՝ «Եւ էր թուական Հայոց
ՄՀԳ (173)» նախադասութիւնից առաջ:
Այսինքն, Յովհան Տեկորեցու մասին տե-
ղեկութիւնը իրօք վերաբերում է Քաղա-
քի Ս. Կաթողիկէի ժողովին եւ ժամանա-
կով ընկնում է Ձ դարի վերջերը՝ 583-600
թթ., իսկ Հայոց 173 թուականը եւ Ս.
Գրիգորի ելքից 424 (տարբեր բնագրե-
րում՝ 533, 433) տարի յետոյ եւ Ս. Գրոց
թարգմանութիւնից էլ 300 տարի անց լի-
նելը վերաբերում են Մանազկերտի ժողո-
վին: Ուրեմն, մեզ հասած բնագրից բա-
ցակայող հատուածում, ի թիւս այլ բա-
ների, խօսուել է նաեւ Մանազկերտի ժո-
ղովի մասին:

Այսինքն, Սարկաւազի ժամանակա-
գրութեան սոյն հատուածում նախապէս
տեղեկութիւններ են եղել առնուազն եր-
կու ժողովների մասին՝ Քաղաքի ժողովն
ի Ս. Կաթողիկէն եւ Մանազկերտի ժողո-
վը: Սրանցից երկրորդի ժամանակը ըստ
Սարկաւազի արդէն ճշդեցինք. դա է Հա-
յոց 173 թ., որ է Քրիստոսից 726 տարի:
Արդ, փորձենք ճշդել նաեւ առաջինի՝
Քաղաքի ժողովի ու դրան նախորդած
միւս ժողովների ժամանակները:

Քաղաքի ժողովի ժամանակի որոշ-
ման համար կարող են հիմք ծառայել
միայն նախորդ ժողովների տարիները,
քանի որ յաջորդ տարիները, ինչպէս
պարզեցինք, վերաբերում են Մանազկեր-
տի ժողովին: Վերն արդէն նշուեց, որ

տարբեր ժողովների տարիներն իրար գո-
մարելով ստացւում էր Քրիստոսի ծնուն-
դից մինչ Քաղաքի ժողովը 599 տարի:
Այս թուի ճշդութիւնը այնքան էլ յուսա-
լի չէ, քանի որ այն բաղադրուած է 6

տարբեր գումարելիներից: Ստորեւ աղիւ-
սակի տեսքով համեմատենք այդ գումա-
րելիների սարկաւազեան արժէքները
դրանց յայտնի իրական արժէքների հետ:

միջակայքը	իրական արժէք	Սարկաւազի մօտ	Սարկաւազ (տարբերակ)
Քրիստոսի ծննդից Նիկիոյ ժողովը	329 ⁷⁴	323	322
Նիկիայից Կ. Պօլսի ժողովը	56	73	74
Կ. Պօլսից Եփեսոսի ժողովը	50	50	
Եփեսոսից Բաղկեդոնի ժողովը	20	27	
Բաղկեդոնից Դուիսի ժողովը		36	
Դուիսից Բաղաքի ժողովը		90	

Այս աղիւսակի երրորդ տողում ու-
նենք թուերի լիակատար համընկում: Կա-
րելի է այս հիման վրայ Սարկաւազի
տուած 50 տարին համարել ճշգրիտ
բնագրային արժէք⁷⁵:

Հնարաւոր է չորրորդ տողում Սար-
կաւազի տուած 27 տարին էլ (Եփեսոսից
Քաղկեդոն) դիտել իբր նախապէս եղած
20-ի աղաւաղում: 27-ը գրւում է .ԻԷ, եւ
կարող էր նախապէս Է-ն առանձին լինել
Ի (20)-ից եւ ունենար օժանդակ բայի
(կամ այլ) արժէք: Ըդն որում, այս տե-
ղում շարադրանքն այնպէս է, որ կարող
էր Է օժանդակ բայը լինել Ե՛ւ առաջին
նախադասութեան վերջում, Ե՛ւ էլ երկ-
րորդի սկզբում⁷⁶: Ընդունելով այս
շտկումը, կարող ենք համարել, որ Սար-
կաւազի բնագրում այս թիւը եւս հա-
մընկնում է իր իրական արժէքին⁷⁷:

Հնարաւոր է աղաւաղման արդիւնք
համարել նաեւ Քրիստոսից Նիկիայ տա-
րիների թիւը: Ինչպէս տեսանք, այդ տա-
րիների իրական արժէքը 329 է⁷⁸: Իսկ
Սարկաւազի ժամանակագրութեան Հ. Ու-
կեանի տարբերակում սոյն տեղում ու-
նենք 322 (ՅԻԲ): Այս թուի վերջին նիշը՝
Բ (2) կարող էր առաջանալ Թ (9)-ի ա-

ղաւաղումից (որոշ գրատեսակների պա-
րագայում դա Հնարաւոր է): Ըստ այսմ
էլ Հնարաւոր է ենթադրել, որ Սարկաւա-
զի նախնական բնագրում այստեղ եղել է
ՅԻԹ (329), այսինքն, այստեղ էլ բնագ-
րային նախնական թիւը համապատաս-
խանել է դրա իրական արժէքին:

Մնում է մեր աղիւսակի երկրորդ
տողի թուերի հարցը: Նիկիոյ ժողովից Կ.-
Պօլսի ժողովի համար Սարկաւազի բնագ-
րում ունենք 73, կամ 74 տարի: Սրա ի-
րական արժէքը 56 է: 56 (ԾԶ)-ը 73 (ՀԳ),
կամ 74 (ՀԴ) «դարձնելը» դժուար է: Այս
թուի երկրորդ թուանշանը՝ 6 (զ) կարող
էր յառաջանալ 3 (գ)-ից, կամ 4 (դ)-ից՝
պարզ աղաւաղմամբ: Միեւնոյն ժամա-
նակ, համարեա անկարելի է յիտունը եօ-
թանասուն դարձնելը (Ծ→Հ): Այսինքն,
այս մի թուի հարցը մնում է բաց: Միեւ-
նոյն ժամանակ, եթէ ընդունենք մեր ա-
ղիւսակի միւս թուերի կապակցութեամբ
վերն արուած դատողութիւնները, եւ հա-
մարենք դրանց բնագրային նախնական
արժէքները իրենց իրական արժէքներին
համընկնող, ապա բնականօրէն պիտի ըն-
դունենք նաեւ, որ իր իրական արժէքին
պիտի համապատասխանի նաեւ Նիկիայից

Կ. Պօլսի ժողով տարիների համար Սարկա-
 ւազի տուած թիւը: Այսինքն, եթէ ընդու-
 նում ենք վերի թուերի համար առաջար-
 կուած բնագրային շտկումները, ապա
 ինքնաբերաբար պարտաւոր ենք ընդու-
 նել նաեւ, որ նախկան բնագրում 74
 (ՀԴ), կամ 73 (ՀԳ)-ի տեղում եղել է 56
 (ԾԶ): Սա էլ կը նշանակի, որ Սարկաւա-
 զի ժամանակագրութեան նախնականում
 Նիկիայի, Կ. Պօլսի, Եփեսոսի եւ Քաղկեդո-
 նի ժողովների ժամանակները տրուած են
 եղել ճիշտ:

Ժողովների ժամանակը ճշտելուն կա-
 րող է օգնել նաեւ Յովհաննէսի «Մեկն.
 Տումարիս Հայկազնեայ» երկի հետեւեալ
 հատուածը, որում տրուած է նաեւ Նի-
 կիոյ ժողովի ժամանակը. «Ի ԾՂԵ (195)
 ղիմայիտի ծնաւ Քրիստոս: Ի ՄԿԹ (269) [ղիմ-
 պիտիտի] սուրբ Հոսիսիմեանքն եկին ի Հայք:
 Ի ՄՀ (270) ղիմայիտիս Սուրբն Գրիգոր ձեռ-
 անորի հայրապետ Հայոց: Ի ՄՀԷ (277) ղիմ-
 պիտիտիս սուրբ ժողովն Նիկիայ եղ-» (էջ
 228): Սրա հետ մէկտեղ ունենք նաեւ, որ
 Սարկաւազը Քրիստոսի ծնունդը դրել է
 ն. Ք. 5 թ. Յունուարի 6-ին⁷⁹, որ է
 Օլ.193.3-ը (այսինքն, 193-րդ օլիմպիադի
 3-րդ տարին, որ սկսուել է ն.Ք. 6 թ. ամ-
 ռանը): Այսինքն, վերի մէջբերեալ հա-
 տուածում տրուածը (195-րդ օլիմպիադ)
 ներդաշնակ չէ այլ կերպ տրուածին:
 Սրանց միջեւ առկայ է առնուազն 6 տա-
 րուայ տարբերութիւն:

Նիկիոյ ժողովի համար էլ այս հա-
 տուածում տրուած է 277-րդ օլիմպիադը:
 Իսկ այդ ժողովը եղել է Փ. 325 թ., որ կը
 լինի Օլ.275.4 (եթէ ժողովն եղել է մինչ
 325 թ. Յուլիսի 8-ը), կամ Օլ.276.1 (եթէ
 ժողովն եղել է 325 թ. Յուլիսի 8-ից յե-
 տոյ): Այսինքն, այսպէս թէ այնպէս, ժո-
 ղովի ժամանակը վերոբերեալ հատուա-
 ծում տրուած է առնուազն 4 տարուայ

սխալով:

Ինչպէս տեսնում ենք, սոյն հատուա-
 ծում օլիմպիադներով Սարկաւազի տուած
 ե՛լ Քրիստոսի ծննդեան, ե՛լ էլ Նիկիոյ
 ժողովի տարիները ներդաշնակ չեն այլ
 տեղերում Սարկաւազի տուած Քրիստոսի
 ծննդեան ժամանակին եւ Նիկիոյ ժողովի
 իրական ժամանակին:

Միեւնոյն ժամանակ, եթէ զանց առ-
 նենք այս թուականների անհամաձայնու-
 թիւնը, եւ նայենք ոչ թէ իրադարձու-
 թիւների ստոյգ ժամանակները, այլ
 դրանց միջեւ եղած ժամանակամիջոցնե-
 րը, կը գտնենք բաւական լաւ ներդաշնա-
 կութիւն: Այսպէս, վերի հատուածից կա-
 ընլի է եզրակացնել, որ Նիկիոյ ժողովը
 դրուել է Քրիստոսի ծնունդից 277-
 195=82 օլիմպիադ յետոյ, որ մօտաւորա-
 պէս 82x4=328 տարի է: Իսկ աւելի
 ստոյգ՝ ժամանակը 195-րդ օլիմպիադից
 մինչ 277-րդ օլիմպիադը կարող է լինել
 325 տարուց (Օլ.195.4-ից Օլ.277.1-ը) 331
 տարի (Օլ.195.1-ից Օլ.277.4-ը): Այսինքն,
 կայ 6 տարուայ անորոշութիւն: Սրա հետ
 մէկտեղ, ունենք նաեւ, որ ըստ Սարկա-
 վազի կիրառած Քրիստոսի ծննդեան
 թուականի, Քրիստոսից մինչ Նիկիոյ ժո-
 ղովը 329 տարի է (տե՛ս ծանօթ. 37), եւ
 այս 329 տարին էլ լիովին ներդաշնակ է
 ըստ օլիմպիադների ստացուած 325-331
 տարիների միջակայքին: Այսինքն, թէ-
 պէտ Քրիստոսի ծննդեան համար տրուած
 օլիմպիադի տարին (195) չի համապա-
 տասխանում այլ կերպ տրուած ժամանա-
 կին՝ (ն. Ք. 5 թ. Յունուարի 6, որ է
 Օլ.193.3), այդուհանդերձ, Քրիստոսից
 Նիկիայ ժամանակահատուածը՝ ըստ
 տրուած օլիմպիադների, չի հակասում
 դրա իրական արժէքին:

Փաստօրէն, ժողովների վերաբերեալ
 տրուած 4 թուերից նոյնութեամբ ընդու-

նուած է միայն մէկը, երկուսը շտկուած
 են՝ հիմք ունենալով հնարաւոր աղաւա-
 դումներն ու այդ թուերի իրական ար-
 ժէքները, եւ մի թիւ էլ (դրա երկու
 թուանշաններից գոնէ մէկը) համարուած
 է էպպէս աղաւաղեալ:

Անշուշտ, այս ժողովների ժամանակ-
 ների այսպիսի շտկումները անվերապահօ-
 րէն ընդունել չենք կարող: Բնագրի 3 -
 4 տողանոց մի հատուածի մէջ այսքան
 շատ շտկումները, մեղմ ասած, նուազեց-
 նում են դրանց հաւաստիութեան աստի-
 ճանը: Միեւնոյն ժամանակ, սակայն, ինչ-
 պէս վերը տեսանք, բնագրի հէնց այս
 նոյն հատուածը մեզ է հասել այլ՝ ոչ
 պակաս լուրջ աղաւաղումով. դրանից
 բաց է թողնուել մի հատուած, ուր խօսք
 է եղել գոնէ Մանագիկերտի ժողովի մա-
 սին: Այսինքն, բնագրի այս մասը արդէն
 իսկ էպպէս աղաւաղուած է, եւ դա էլ
 նշանակում է, որ մեծ է այդ նոյն մա-
 սում այլ աղաւաղումներ լինելու հաւա-
 նականութիւնը: Այսպէս թէ այնպէս, ժո-
 ղովների համար մեր վերականգնած
 թուականները ճիշդ կը համարենք միայն
 որոշ վերապահութեամբ:

Այսպիսով, մեր ուղղումներով կ'ու-
 նենանք ըստ եօթանասնից համակարգի՝
 Քրիստոսի ծնունդից Նիկիոյ ժողովը՝ 329
 տարի, որով կը լինի Ադամից Նիկիոյ ժո-
 ղով՝ 5527 տարի: Նիկիայից Կ. Պօլսի ժո-
 ղովը՝ 56 տարի, որով կը լինի Ադամից
 Կ. Պօլսի ժողովը 5583 տարի: Կ. Պօլսի ժո-
 ղովից Եփեսոսի ժողովը՝ 50 տարի, եւ Ա-
 դամից Եփեսոսի ժողովը՝ 5633 տարի: Եւ
 Եփեսոսից էլ Քաղկեդոն՝ 20 տարի, որով
 եւ՝ Ադամից Քաղկեդոնի ժողովը՝ 5653
 տարի:

Գալով Դուլինի եւ Քաղաքի ժողով-
 ներին, սրանց ժամանակը գտնելու հա-
 մար ժամանակագրութեան մէջ տրուած

թուերից զատ ոեւէ այլ տեղեկութիւն
 չունենք Սարկաւազի գործերի մէջ, ուս-
 տի հէնց դրանց վրայ էլ կը հիմնուենք:
 Դուլինի ժողովի համար տրուած է՝ Քաղ-
 կեդոնի ժողովից 36 տարի անց: Դա կը
 լինի Ադամից 5653+36=5689 տարի:
 Քրիստոսի ծնունդից էլ կը լինի
 329+56+50+20+36=491 տարի:

Քաղաքի ժողովի համար էլ տրուած
 է՝ Դուլինի ժողովից 90 տարի յետոյ, որ
 կը լինի Ադամից՝ 5689+90=5779 տարի
 եւ Քրիստոսից՝ 491+90=581 տարի:

Այսպիսով, այս ժողովների տարինե-
 րի հարցը կարող ենք համարել սպա-
 ռուած (անշուշտ՝ մեր հնարաւորութեան
 սահմաններում):

Մեր ցուցակի այս հատուածն ամ-
 բողջացնելու համար մնում է պարզել
 նաեւ Մովսէս Եղիվարդեցու կաթողիկո-
 սութեան եւ Ս. Յիզտրուզիտի վկայու-
 թեան ժամանակները: Մովսէս կաթողիկո-
 սի մասին ժամանակագրութեան մէջ ու-
 նենք. «Ի սրբոյն Գրիգորէ մինչեւ ի հայ թուա-
 կանն ամք ՄՄԲ (252)⁸⁰: Մինչեւ ի տէր Մուսէս
 կաթողիկոս՝ ԻԴ (24), յորոյն տասն ամի թուա-
 կանն Հայոց եղաւ» (էջ 132): Մի քանի
 տող վարն էլ ունենք. «Յառաջին թուակա-
 ցին սուրբն Յիզտրուզիտ վկայեաց: Հոռմայե-
 ցոց՝ Յուստիանոս, Պարսից՝ Խոսրով, Հայոց՝
 մարգարան Մէծեժ, կաթողիկոս՝ Մուսէս» (էջ
 132-133): Այս առաջին հատուածում
 տրուած է, որ Մովսէսի 10-րդ տարում
 դրուել է Հայոց թուականը: Դա կը նշա-
 նակի, որ Մովսէսը կաթողիկոս է դարձել
 Հայոց թուականից 9 տարի առաջ:

Սրա հետ մէկտեղ, Սարկաւազից Յա-
 կոբ Ղրիմեցու համառօտած երկում Հա-
 յոց թուականի դրուելու ժամանակի մա-
 սին գրուած է. «Ջրուականս եղին ի ժամա-
 անկս երկրորդ Յուստիանոսի կայսեր, ... ի ԻԲ
 ամին սորա ... եւ հայոց սպարապետ Մեծեժ

Գնունեցոյ ի տաս ամիս եւ ի տէր Մովսէս կաթողիկոսին, որ երկուտասաներորդն էր ի Լուսաւորչէն, ի չորրորդ ամի սորա, զոր ոմանք յայոց [այլ] ասացին, բայց սա է ճշմարիտն» (էջ 295): Այստեղ էլ Հայոց թուականի հիմնումը դրուած է Մովսէսի 4-րդ տարում: Այսինքն, ըստ սրա էլ Մովսէսի առաջին տարին Հայոց թուականից 3 տարի առաջ է: Ակնյայտ է, որ գործ ունենք աղաւաղուած տուեալների հետ: Ո՞րն է այս տուեալներից հեղինակայինը:

Ինչպէս այլ առիթով ցոյց է տրուել, Հայոց թուականը դրուել է Մովսէսի առաջին տարում⁸¹: Իսկ Մովսէսի 10-րդ տարում դրուել է Կասեան Շեակը⁸²:

Սրա հետ մէկտեղ ունենք նաեւ, որ բազմաթիւ հայ հեղինակների երկերում իրար հետ շփոթուած են Հայոց թուականի դրուելն ու Շեակի դրուելը⁸³: Այնպէս որ, լիովին հնարաւոր է, որ Սարկաւազը եւս Հայոց թուականի սկիզբը դնէր Մովսէսի 10-րդ տարում: Ինչ վերաբերում է Յ. Ղրիմեցու համառօտած երկում տրուած 4-րդ տարուն, ապա այս չորրոր-

դը (դ) կարող էր յառաջ եկած լինել գ- (երրորդից)⁸⁴: Իսկ այս երրորդն էլ, իր հերթին, կարող էր առաջացած լինել Ժ. Երորդ (10-րդ)-ից:

Այսպիսով, ըստ Սարկաւազի, Մովսէսի գահակալութիւնը լինում է Հայոց թուականից 9 տարի առաջ, որ կը լինի Քրիստոսի ծնունդից 554-9=545 տարի յետոյ: Իսկ Աղամից էլ կը լինի 545+5198=5743 տարի յետոյ:

Ս. Յիզտբուզիտի վկայութիւնն էլ Հայոց առաջին թուականին է: Սրա համար ունենք. «Յառաջին թուականին սուրբն Յիզտբուզիտ վկայեաց» (էջ 132): Սա էլ կը լինի Քրիստոսից 554 տարի եւ Աղամից՝ 5752 տարի յետոյ:

Արդ, աղիւսակի տեսքով տանք վերը քննարկուած՝ Ս. Գրիգորից մինչեւ Շեակի սկիզբն ու քաղաքի ժողովը եղած ժամանակի համար մեր ստացած արդիւնքները: Յարմարութեան համար սոյն աղիւսակի մէջ կ'ընդգրկենք նաեւ Աղամի արտաքսումը, Քրիստոսի ծնունդը եւ Փիլիպոսի 5-րդ տարին:

*	Ա	Բ	Գ	Դ	Ե	Զ	Է	Ը	Թ	ժ	ժԱ	ժԲ	ժԳ	ժԴ	ժԵ	ժԶ	ժԷ	ժԸ
Ա	*	5198	5448	5500	5527	5529	5552	5583	5608	5624	5633	5653	5689	5743	5752	5752	5761	5779
Բ	5420	*	250	302	329	331	354	385	410	426	435	455	491	545	554	554	563	581
Գ	5672	252	*	52	79	81	104	135	160	176	185	205	241	295	304	304	313	331
Դ	5724	304	52	*	27	29	52	83	108	124	133	153	189	243	252	252	261	279
Ե	5751	331	79	27	*	2	25	56	81	97	106	126	162	216	225	225	234	252
Զ	5753	333	81	29	2	*	23	54	79	95	104	124	160	214	223	223	232	250
Է	5776	356	104	52	25	23	*	31	56	72	81	101	137	191	200	200	209	227
Ը	5807	387	135	83	56	54	31	*	25	41	50	70	106	160	169	169	178	196
Թ	5832	412	160	108	81	79	56	25	*	16	25	45	81	135	144	144	153	171
ժ	5848	428	176	124	97	95	72	41	16	*	9	29	65	119	128	128	137	155
ժԱ	5857	437	185	133	106	104	81	50	25	9	*	20	56	110	119	119	128	146
ժԲ	5877	457	205	153	126	124	101	70	45	29	20	*	36	90	99	99	108	126
ժԳ	5913	493	241	189	162	160	137	106	81	65	56	36	*	54	63	63	72	90
ժԴ	5967	547	295	243	216	214	191	160	135	119	110	90	54	*	9	9	18	36
ժԵ	5976	556	304	252	225	223	200	169	144	128	119	99	63	9	*	0	9	27
ժԶ	5976	556	304	252	225	223	200	169	144	128	119	99	63	9	0	*	9	27
ժԷ	5985	565	313	261	234	232	209	178	153	137	128	108	72	18	9	9	*	18
ժԸ	6148	728	476	424	397	395	372	341	316	300	291	271	235	181	27	27	18	*

Այս աղիւսակում ձախ եզրային սիւնակում եւ վերելի տողում հայատառ թուանշաններով նշանակուած են հետեւեալ իրադարձութիւնները:

- Ա Աղամի արտաքսումը,
- Բ Քրիստոսի ծնունդը,
- Գ Փիլիպոսի 5-րդ տարին,
- Դ Ս. Գրիգորի ելն ի վիրապէն,
- Ե Նիկիոյ ժողովը,
- Զ Կոստանդիանոսի 20ամեակը
- Է Անդրէասի 200-եակի սկիզբը,
- Ը Կոստանդնուպոլսի ժողովը,
- Թ Ս. Սահակ Պարթեւ,
- ժ Ս. Գրքի թարգմանութիւնը,
- ժԱ Եփեսոսի Ա ժողովը,
- ժԲ Քաղկեդոնի ժողովը,
- ժԳ Դուինի ժողովը,
- ժԴ Մովսէս Եղիվարդեցի,
- ժԵ Ս. Յիզտբուզիտի վկայութիւնը,
- ժԶ Հայոց թուականի սկիզբը,
- ժԷ Շեակի սկիզբը,
- ժԸ Քաղաքի ժողովը:

Այս աղիւսակում եւս աստղանիշ անկիւնագծից վար ու ձախ տրուած են տարիներն ըստ Շեակի համակարգի: Միայն, ի տարբերութիւն առաջին աղիւսակի⁸⁵, ուր Շեակի մասում լրացուած էին միայն վանդակներն այն իրադարձութիւնների, որոնց համար ուղղակի, կամ անուղղակի տրուած էին տարիներն ըստ Շեակի համակարգի, այս՝ երկրորդ աղիւսակում Շեակի մասը լրիւ լրացուած է: Բանն

այն է, որ Անդրէասի 200-եակից յետոյ Շեակի եւ եօթանասնից համակարգերն ընթանում են լրիւ զուգահեռ, եւ այդ հատուածի վանդակներում թուերը նոյնն են, ինչ որ դրանց համապատասխան աղակողմեան վանդակներում:

Այս աղիւսակում ժԶ համարով սիւնակը իր նախորդ՝ ժԵ սիւնակի կրկնութիւնն է (նոյնը վերաբերում է եւ ժԶ տողին, որն էլ կրկնութիւնն է ժԵ տողի): Պատճառն այն է, որ Ս. Յիզտբուզիտի վկայութիւնը ըստ Սարկաւազի՝ Հայոց թուականի սկիզբում է, որով եւ այդ իրադարձութիւնները համաժամանակ են:

Յաջորդը մեր ցուցակում Երուսաղէմի գրաւումն է Պարսից կողմից: Սրա համար ունենք. «ԼԷ (37) թուականին Հոռիան Պարսից գորավար առ գերուսաղէմ» (էջ 133)⁸⁶: Սարկաւազի այս տեղեկութիւնը ակնյայտօրէն կամ իր տեղում չէ, կամ էլ եղծուած է: Ներկայումս ընդունուած է Երուսաղէմի առումը Պարսից կողմից դնել Փրկչ. 614-ին⁸⁷: Իսկ Հայոց 37 թիւը կը տայ Փրկչ. 588 թ., որ 26 տարով աւելի վաղ է արդ ընդունուած իրական ժամանակից: Այսքան մեծ շեղում Յովհաննէսի ժամանակագրական համակարգում դժուար թէ լինէր: Համոզուելու համար՝ համեմատենք Սարկաւազի մի քանի տուեալները նրա աշակերտ Սամուէլ քահանայի համապատասխան տուեալներին:

Սամուէլ Անէցի

ԾԿԲ: (Թ:) Ի սմիմ սմի եղաւ Ծ.եակն:

ԾԿԴ: (ԺԱ:) Իոնոն պատառեաց զկանոն զատկին:

ՈԻԷ: Աստանօր ի բաց կացին վիրք ի միաբանութեանն Հայոց՝ հաւանաւք աղանդոյն Քաղկեդոնի՝ ի ձեռն կիրոնի Վրաց առաջնորդի:

ՈԼ: Տէր Կոմիտասս սմս Ը: Մեծ պատրիարքն Տէր Կոմիտասս՝ շինէ զսուրբ տիկնոջն Հռիփսիմէի զվկայարանն (էջ 75-79):

Սարկաւագ վարդապետ

Ի տաս թուականին եղաւ հինգհարիւրեակն:

Ի ԺԱ (11) թուականին Իոնոն պատառեաց զկանոն Զատկին:

ՀԳ (73) թուականին ի բաց կացին վիրք ի միաբանութեանն հայոց ի ձեռն կիրոնի:

ՀԶ (76) թուականին մեծ պատր[ի]-ա[ր]զն Կոմիտասս շինէ զսուրբ տիկնոջն Հռիփսիմէայ զվկայարանն (էջ 133):

Ինչպէս երեւում է համեմատութիւնից, Սարկաւագի եւ Սամուէլի տուած թուերը միեւնոյն դէպքի համար նոյնն են (գոնէ ժամանակագրութեան այս հատուածում): Առաջին տողում եղած զանազանութիւնը՝ աջ կողմում՝ տաս, իսկ ձախում՝ ինը թուական, հետեւանք է այն բանի, որ Շ.եակը դրուել է Հայոց օրացոյցի հիմնումից 9 տարի անց, որ եղել է Հայոց 10 թուականը: Այս 9 եւ 10 տարիները շատ յաճախ են իրար հետ շփոթուել տարբեր հեղինակների երկերում: Դա արդէնք է պարզ շփոթութեան, եւ, ըստ այսմ, սոյն տարբերութիւնը էական է: Միակ «լուրջ» զանազանութիւնն այն է, որ առաջին երկու թուերի դէպքում Քրիստոսի ծննդեան եւ Հայոց թուականի տարբերութիւնը 553 է, իսկ վերջին երկուսի դէպքում՝ 554⁸⁸: Այսինքն, Սամուէլ քահանան հետեւել է Սարկաւագի ժամանակագրական համակարգին: Ուրեմն, այս ժամանակամիջոցում միւս իրադարձութիւնների համար էլ Սամուէլի ու Յովհաննէսի տուած ժամանակները պիտի համընկնեն: Այնինչ, Երուսաղէմի առման համար, ի հակադրութիւն Սարկաւագի ժամանակագրութեան մեզ հա-

սած տարբերակի (ուր տրուած է Հայոց ԼԷ (37) թուական), Սամուէլը տալիս է «ՈԻԳ: (623) Պարսիկք գերուաղէմ առին՝ եւ տարան զիսան գերի՝ յամս Հերակլի» (էջ 79): Այսինքն, Սամուէլը խաչափայտի գերումը (եւ Երուսաղէմի առումը) դրել է Վրաց բաժանումից (Հայոց 73 թ.) 4 տարի առաջ, որ կը լինէր Հայոց 69 (ԿԹ) թուականը⁸⁹: Ե՛ւ 69 (ԿԹ), ե՛ւ էլ 70 (Հ) թուերը այնպիսին են, որ քիչ հաւանական է աղաւաղուելով դրանց 37 (ԼԷ)-ի վերածուելը⁹⁰: Չի բացառուում, որ Սարկաւագի բնագրում նախապէս հէնց 37 էլ եղած լինի, միայն թէ՛ դա վերաբերած լինի այլ իրադարձութեան, իսկ Երուսաղէմի առման թուականը պարզապէս ջնջուած-կորած լինի: Այսպէս թէ այնպէս՝ ժողովների տարիների քննութիւնն արդէն ցոյց տուաւ, որ Սարկաւագի ժամանակագրութեան՝ ժողովներին վերաբերող հատուածը լրջօրէն խաթարուած է, եւ, ըստ այդմ, չի բացառուում, որ այդ նոյն վիճակում լինէր նաեւ դրան կից այս հատուածը եւս: Ամեն դէպքում, անկախ այս աղաւաղման բուն պատճառից ու կերպից, հիմք ընդունելով Սարկաւագի եւ Սամուէլի ժամանակագրութիւնների

այս հատուածի ընդհանրութիւնը, Երուսաղէմի առման համար Սարկաւագի տուած 37-ը կը համարենք հաստատ աղաւաղում, եւ այդ թիւը կը վերականգնենք ըստ Սամուէլ Անեցու, ընդունելով դրա արժէքը 69 (ԿԹ): Քրիստոսի ծնունդից Երուսաղէմի առումը կը լինի 69-191+554=622, իսկ Ադամից էլ կը լինի՝ 622+5198=5820 տարի:

Յաջորդը Վրաց բաժանումն է: Սրա համար Սարկաւագի մօտ ունենք. «ՀԳ (73) թուականին ի բաց կացին վիրք ի միաբանութեանն հայոց ի ձեռն կիրոնի» (էջ 133)⁹²: Ինչպէս քիչ վերը տեսանք, Վրաց բաժանման համար Սամուէլ Անեցին էլ տուել է Քրիստոսի ծննդեան ՈԻԷ (627) թիւը, որ նշանակում է, թէ ըստ նրա եւս Քրիստոսի ծննդից մինչ Վրաց բաժանումը 627 (1=626 տարի է: Ըստ այսմ, Սարկաւագի տուած 73-ը ճիշդ կը համարենք: Ուրեմն, կը լինի Քրիստոսի ծնունդից Վրաց բաժանումը՝ 73+553=626 տարի, իսկ Ադամից էլ՝ 626+5198=5824 տարի:

Յաջորդը Ս. Հռիփսիմէի վկայարանի կառուցումն է Կոմիտաս Աղցեցու կողմից: Սրա համար տրուած է Հայոց 76 թուականը (տե՛ս վերի մէջբերումները, ուր Սարկաւագի տուեալները համեմատուած են Սամուէլ Անեցու տուեալների հետ): Սա էլ կը տայ Քրիստոսից 76+553=629 տարի. իսկ Ադամից՝ 629+5198=5827 տարի:

Կարնոյ ժողովի համար Սարկաւագը տալիս է. «Է (87) թուականին Հերակլ ժողով արար ի Կարնո[յ] քաղաք. կոչէ եւ զԵզր, որ տգիտաբար հաւանեցաւ» (էջ 133)⁹³: Սամուէլի երկում էլ այս նոյն ժողովը դրուած է Քրիստոսի 640-ին (կամ դրանից յետոյ)⁹⁴: Այնպէս որ, այս թուականի հարցում էլ հակասութիւն չկայ Յով-

հաննէսի եւ Սամուէլի ժամանակագրութիւնների միջեւ, ուստի, կարող ենք Սարկաւագի տուած 87-ը համարել հեղինակային հարազատ թուական՝ միայն մի վերապահութեամբ: Ելնելով նրանից, որ Սամուէլի մօտ Կարնոյ ժողովը դրուած է 85 թ. Երուսաղէմի առումից անմիջապէս յետոյ՝ առանց ինքնուրոյն թուականի, կարելի է հնարաւոր սեպել, որ այդ 85-ը վերաբերել է նաեւ Կարնոյ ժողովին⁹⁵: Այս պարագայում հարկ կը լինի Սարկաւագի տուած 87-ը խմբագրել-դարձնել 85 (Ե→Է): Ընդունելով այս 87-ը, Կարնոյ ժողովի համար կը ստանանք Քրիստոսից 87+553=640 տարի, իսկ Ադամից էլ կը լինի 640+5198=5838 տարի⁹⁶:

Հայաստան՝ արարների առաջին ներխուժման մասին Սարկաւագը տալիս է նախորդից մի տարի յետոյ. «ԶԸ (88) թուականին՝ ելն տանկաց ի հայս» (էջ 133)⁹⁷: Սա կը տայ Քրիստոսից 88+553=641⁹⁸ տարի եւ Ադամից էլ 641+5198=5839 տարի յետոյ:

Զուարթնոցի կառուցման մասին Յովհաննէսի մօտ կայ. «ԾԲ (102) թուին հայրապետն Ներսէս շինէ զսուրբ Գրիգոր, եւ զսուրբ Սարգիս ի Դվին, եւ զՎիրապան» (էջ 133)⁹⁹: Այս 102-ը կը տայ 102+553=655 տարի Քրիստոսից յետոյ: Իսկ Ադամից էլ կը լինի 655+5198=5853 տարի:

Մեր ցուցակում սրանից յետոյ Անանիա Շիրակունու օրացուցային բարեփոխումն է: Սարկաւագի մօտ այս մասին ունենք. «ԾԺԸ (118) թուականին հայրապետն Անաստաս կոչէ առ ինքն զմեծ Անանիա՝ անշարժ կարգել զտումար մեր: Եւ արարեալ մեծաւ ջանի» (էջ 133)¹⁰⁰: Այս 118-ը կը տայ Քրիստոսից 118+553=671 տարի¹⁰¹ յետոյ եւ Ադամից էլ՝ 671+5198=5869 տարի:

Մեր ցուցակում յաջորդը Մանազկեր-

տի ժողովն է: Այս ժողովի մասին թէպէտ յատուկ նշուած չէ Յովհաննէսի ժամանակագրութեան մեզ հասած տարբերակում¹⁰², այդուհանդերձ, ինչպէս վերը տեսանք, դրա ժամանակը տրուած է երեք տարբեր ձեւերով՝ Հայոց թուականով, Ս. Գրիգորի տարիներով եւ Ս. Գրոց թարգմանութեան տարիներով: Ըստ այս տուեաների, Մանազկերտի ժողովը եղել է Քրիստոսից 726 տարի յետոյ: Ադամից էլ սա կը լինի $726+5198=5924$ տարի յետոյ:

Երկրորդ Շեակի սկզբի համար Սարկաւազի մօտ տրուած է. «ՇԽԲ (542) թուիս սկիզբն շրջանի Շեկիս» (էջ 133)¹⁰³: Այս 542-ը կը տայ Քրիստոսից $542+553=1095$ տարի եւ Ադամից էլ՝ $1095+5198=6293$ տարի: Երկրորդ Շեակի սկիզբը (ինչպէս եւ առաջինի սկիզբը) պայմանաւորուած է օրացուցային պարբերաշրջանների յատկութիւններով: Ուստի եւ կարելի է սրա իրական ժամանակը ճշգրել զուտ օրացուցային առնչութիւնները հաշուի առնելով: Այսպէս, Հայոց 542 թիւը նշանակում է Հայոց թուականի սկզբից 541 տարի յետոյ, որ կը լինի 532-ամեայ մէկ շրջան եւ եւս 9 տարի: Այսինքն, այստեղ խօսքը ոչ թէ Հայոց թուականի երկրորդ 532-ամեակի մասին է, այլ Հայոց թուականի սկզբից 9 տարի յետոյ (Հայոց 10 թուին) սկսուած էասեան (աղէքսանդրեան) Շեակի մասին: Իրօք, Փ. 562 թուին սկսուել է էաս Աղէքսանդրացու սահմանած եւ Աղէքսանդրիայի ժողովի ընդունած 532-ամեայ շրջանը, որի առաջին Չատիկը եղել է Փ. 562 թուի Ապրիլի 9-ին (Լուսնի աւագ լրումը՝ Ապրիլի 4-ին): Այս պարբերաշրջանը աւարտուել է Փ. 1093 թուին (լրումը Ապրիլի 15-ին, Չատիկը՝ Ապր. 17-ին): Սրա յաջորդ տարին պիտի սկսուի յաջորդ 532-ամեայ շրջանը: Այսինքն,

երկրորդ Շեակի առաջին տարին կը լինի Փ. 1094 թ. (լրումը Ապր. 4-ին, Չատիկը՝ Ապր. 9-ին)¹⁰⁴: Ուրեմն, աստ տրուած Հայոց 542-ն էլ պիտի համապատասխանի Փ. 1094-ին:

Ինչպէս վերը տեսանք, այս 542-ը տալիս է Քրիստոսի ծնունդից 1095 տարի յետոյ, որ կը նշանակի՝ Քրիստոսի ծննդեան 1096 թուական: Այս 1096-ը համընկնում է Սամուէլ Անեցու տուածին¹⁰⁵: Միեւնոյն ժամանակ, ըստ Սամուէլի կիրառած համակարգի, այս 1096-ը կը լինի Հայոց $1096-553=543$ թիւը, որ մի տարով աւելի է Սարկաւազի տուածից: Հայոց թուականով այս դէպքի իրական ժամանակը պարզելը դիւրին է: Այսպէս, քանի որ առաջին Շեակը սկսուել է Հայոց 10 թուին (Հայոց թուականի սկզբից 9 տարի անց), ապա երկրորդ Շեակն էլ պիտի սկսուած լինի առաջինից 532 տարի անց, այն է՝ $10+532=542$ Հայոց թուին: Ուրեմն, Սարկաւազի տուածը համընկնում է իրական արժէքին, որով եւ այն կարող ենք համարել հարազատ բնագրային:

Վերջինը մեր ցուցակում ծնագատիկն է, որի մասին Յովհաննէսի մօտ ունենք. «ՇԾ (550) թուիս պատարումն գատիկն» (էջ 133)¹⁰⁶:

Ծնագատիկը (որ եւ՝ պատարումն Չատիկ) եւս օրացուցային օրինաչափութիւններով պայմանաւորուած երեւոյթ է, եւ, ըստ այսմ, հնարաւոր է սրա ժամանակը եւս ճշգրտել օրացուցային միջոցներով: Սրա հոլթիւնն այն է, որ աղէքսանդրեան Շեակի համակարգում 19-երեակի առաջին տարուայ հոռոմէական վերադիրը 9 է, այս նոյն համակարգն է որդեգրուած նաեւ Հայոց օրացոյցում: Սրան ի տարբերութիւն, Իրիոնի կազմած եւ Կոստանդնուպօլսում ընդունուած Շե-

.եակի համակարգում 19-երեակի առաջին տարուայ հոռոմէական վերադիրը 10 է: Սա էլ բերում է նրան, որ երբ Հայերի ընդունած հոռոմ. վերադիրը լինէր 7, եւ տարուայ հոռոմ. եօթներեակն էլ՝ 3, ապա աւագ լրումը կը լինէր Ապրիլի 6-ին՝ կիրակի, ուստի եւ Հայոց Չատիկն էլ կ'ընկնէր դրա յաջորդ կիրակին՝ Ապրիլի 13-ին: Սրան հակառակ, Յոյները այդ նոյն տարում ունենում էին 8 վերադիր, որով եւ լրումը դնում էին Ապրիլի 5-ին՝ շաբաթ, ուստի եւ Չատիկ էին տօնում դրա յաջորդ օրը՝ Ապրիլի 6-ին: Այսինքն, Հայոց եւ Յունաց Չատիկները լինում էին մի շաբաթ տարբերութեամբ:

532 տարում այսպիսի դէպք լինում էր 4 անգամ: Հայոց ՇԾ (550) թուին իրօք եղել է հոռոմ. վերադիրը 7, եօթներեակը՝

*	Ա	Բ	Գ	Դ	Ե	Զ	Է	Ը	Թ	Ժ	ՃԱ	ԺԲ
Ա	*	554	622	626	629	640	641	655	671	726	1095	1103
Բ	556	*	68	72	75	86	87	101	117	172	541	549
Գ	623	68	*	4	7	18	19	33	49	104	473	481
Դ	627	72	4	*	3	14	15	29	45	100	469	477
Ե	630	75	7	3	*	11	12	26	42	97	466	474
Զ	640	86	18	14	11	*	1	15	31	86	455	463
Է	641	87	19	15	12	1	*	14	30	85	454	462
Ը	655	101	33	29	26	15	14	*	16	71	440	448
Թ	671	117	49	45	42	31	30	16	*	55	424	432
Ճ	726	172	104	100	97	86	85	71	55	*	369	377
ՃԱ	1095	541	473	469	466	455	454	440	424	369	*	8
ԺԲ	1103	549	481	477	474	463	462	448	432	377	8	*

Այս աղիւսակում հայատառ թուանշաններով նշանակուած են հետեւեալ իրադարձութիւնները.

- Ա Քրիստոսի ծնունդը
- Բ Հայոց թուականի սկիզբը
- Գ Երուսաղէմի առումը
- Դ Վրաց բաժանումը Հայերից
- Ե Ս. Հռիփսիմէի վկայարանի կառուցումը
- Զ Կարնոյ ժողովը
- Է Արաբների առաջին ներխուժումը

3, լրումը՝ Ապրիլի 6-ին կիրակի եւ Չատիկն էլ՝ Ապրիլի 13-ին¹⁰⁷: Այդ տարի Յունաց Չատիկը եղել է Ապրիլի 6-ին: Եւ դա էլ համապատասխանում է Փ. 1102 թուին, երբ արեւմտեան եկեղեցին Չատիկը տօնել է իրօք Ապրիլի 6-ին:

Այսպիսով, ծնագատիկի համար Սարկաւազի տուած Հայոց 550-ը համապատասխանում է իրական արժէքին: Քրիստոսի ծնունդից էլ կը լինի $550+553=1103$ տարի, իսկ Ադամից՝ $1103+5198=6301$ տարի յետոյ:

Արդ, աղիւսակի տեսքով տանք Երուսաղէմի առումից մինչ ծնագատիկ եղած իրադարձութիւնների ժամանակները: (Աղիւսակի կառուցուածքն ու դրանից օգտուելու կերպը նոյնն են, ինչ եւ Ա գլխի 1ա աղիւսակի պարագայում):

- Ը Զուարթնոցի կառուցումը
- Թ Ա. Շիրակացու տոմարը
- Ճ Մանազկերտի ժողովը
- ՃԱ Երկրորդ Շեակի սկիզբը
- ՃԲ Ծնագատիկ

Այսքանով կարող ենք ամբողջացուած սեպել Յովհ. Սարկաւազի ժամանակագրական համակարգի համառօտ քննութիւնը, ճշգրտումը եւ վերականգնման փորձը:

Արդ, որպէս արուած քննութեան ամփոփում: տանք բոլոր ճշգրտուած թուականները ժամանակագրական տարբեր համակարգերով:

Table with 9 columns (ա, բ, գ, դ, ե, զ, ռ, թ, ժ) and 40 rows of astronomical data.

Այս աղիւսակում հերթական սիւնակներում տրուած են.

- ա. Հերթական համարը:
բ. Իրադարձութիւնը:
գ. Աղամի արտաքսումից անցած տարիները ըստ եօթանասնից ժամանակագրական համակարգի:
դ. Աղամի արտաքսումից անցած տարիները ըստ Շ.եակի համակարգի (չեն լրացուած այն վանդակները, որոնց համար կամ Սարկաւազի երկերում թուերը տրուած չեն, կամ էլ այդ դէպքերի ժամանակների համար Շ.եակի համակարգը չի կիրառուել):
ե. Քրիստոսի ծնունդից անցած տարիները:
զ. Թուականը՝ հաշուած Քրիստոսի ծննդեան տարուց (այս սիւնակի թուերը միշտ 1-ով աւելի են նախորդ սիւնակի թուերից, քանի որ թուականի համակարգում հաշուի մէջ է մտնում նաեւ դարազուլի իրադարձութեան տարին՝ սոյն դէպքում՝ Քրիստոսի ծննդեան տարին, որ ունի 1 թուական):
է. Տարիները՝ հաշուած Հայոց թուականի սկզբից:
ը. Հայոց թուականը (այս սիւնակի թուերը միշտ 1-ով մեծ են նախորդ սիւնակի թուերից, պատճառը նոյնն է, ինչ եւ գ. սիւնակի պարագայում):
թ. Այստեղ տրուած են նշուած իրադարձութիւնների՝ այլ աղբիւրներից յայտնի ստոյգ տարեթուերը՝ Ա. Բ. եւ Փրկչական թուականներով: Բաց են թողնուած վանդակներն այն իրադարձութիւնների, որոնց համար ստոյգ թուեր յայտնի չեն: Ի տարբերութիւն միւս տարիների, Ա.Բ. տարիները նշուած են թանձր շղագրով:

Օլիմպիազի համակարգով տարիները տրուած չեն, քանի որ օլիմպիազի համար

կարգը Սարկաւազի երկերում կիրառուած է յոյժ սահմանափակ, եւ, բացի այդ, օլիմպիազի համակարգով ժամանակները տրուած են հիմնականում՝ քառամեայ անորոշութեամբ, առանց նշելու տարուայ հերթական թիւը քառամեակի մէջ:

ՇԱՆՕԹԱԳՐՈՒԹԻՒՆՆԵՐ

- * Բիրականի Աստղադիտարան, Արագածոտնի մարզ, 378433, Հայաստան, Byurakan Astrophysical Observatory, 378433, Armenia, e-mail address; gbout@bao.sci.am
1 Սարկաւազ վարդապետից մեզ հասած երկերում ժամանակային տուեալները բաւական շատ են, եւ դրանց բոլորի համակարգում-ճշգրտումը մեծ ժամանակ եւ ուժեր պահանջող աշխատանք է: Թէպէտ այդ աշխատանքը կարելի է եւ շատ փափագելի, այդուհանդերձ, ամսագրային յօդուածի սահմաններում դա իրագործելի չէ: Այդ պատճառով էլ այստեղ կը սահմանափակուենք միայն որոշ՝ ըստ իս՝ առաւել կարեւոր իրադարձութիւնների ժամանակների քննութեամբ՝ զանց առնելով միւսերը: Իրադարձութիւնների կարեւորութիւնն էլ որոշում ենք զուտ տոմարագիտական մկատարումներից ելնելով:
2 Սարկաւազը իր երկերում բազմիցս նշում է, որ յայտնի չէ Աշխարհի արարչութեան ստոյգ ժամանակը, այլ միայն՝ Աղամի արտաքսումի ժամանակը Դրախտից (տե՛ս, օրինակ, Աշ. Գ. Աքրահամեան, Յովհաննէս Իմաստասէրի մատենագրութիւնը, Երեւանի համալսարանի հրատ., Երեւան, 1956 (այսուհետեւ՝ Յովհաննէս Սարկաւազ), էջ 131, 217): Ըստ այսմ էլ Սարկաւազի երկերում Աշխարհի արարչութեան ժամանակի փոխարէն տրուում է Աղամի արտաքսումի ժամանակը:
3 Յովհաննէսի ժամանակագրութեան բոլոր տարբերակներում էլ այստեղ գրուած է՝ Փիլիպպոսի 2-րդ տարի: Սա, փաստօրէն, Հռոմի հիմնադրման թուահաշուի առաջին հազարամեակի աւարտն է, որ է Փրկչ. 248 թուականը: Սրա յաջորդ տարին՝ Փ. 249-ը երկրորդ հազարամեակի առաջին տարին է: Այստեղից սկստող թուահաշիւը, իբր Հռոմի թուական, լայնօրէն կիրառուել է հայ մատենագրութեան մէջ: Այս տարին, սակայն, Փիլիպպոս կայսեր ոչ թէ 2-րդ տարին է, այլ՝ 5-րդը, զի Փիլիպպոսը զահակալել է Փ. 244 թ. Մարտից մինչ Փ. 249 թ. Սեպտեմբերը, որով եւ՝ Փ. 248-ը նրա 5-րդ տարին է: Տոմարական պատճենի մէջ էլ տրուած է. «Կալ յետմ ամէն Փիլիպպոսի կայսեր մինչև յերեսուն եւ չորս ամս Յուստինիանոսի 9, որ լիմին ամբ ԹՊ(304)» (էջ 210):

Այս նույն կայ եւ այլ տեղերում. օր. ՄՄ. թիւ 2001 ձեռագրում (էջ 21բ) կայ. «կայ յէ ամէն փիլիսոսայտի կայսեր մինչեւ յի ամն յուստիանոսի կայսեր. եւ ի իդ խոսրովու պարսից արքայի. որ լինին ամբ յի. (բնագրում՝ յգ է, եւ յուսանցքում էլ շտկուած է՝ յդ - Գ.Բ.). եւ զհայ թուականն ի վերայ բեր...»: Փիլիսոսայտի 7-րդ տարին է տրուած նաեւ այլ տեղերում. օրինակ՝ ՄՄ. ձեռ. թիւ 1999, էջ 82ա: Փիլիսոսայտ Արաքը գահակալել է միայն 6 տարի, ուստի եւ չէր կարող լինել նրա 7-րդ տարին: Հաւանական է, նախապէս այստեղ եղել է 5(Ե)-րդ, որ շփոթուելով դարձել է 7 (Է)-րդ: Ըստ այսմ, հարկ է սա ուղղել՝ Փիլիսոսայտի 5-րդ տարին:

4 Ինչպէս իր տեղում կը տեսնենք, Սարկաւագի ժամանակագրութեան մէջ տրուած է նաեւ Մաւնազկերտի ժողովի ժամանակը, թէպէտ այդ ժողովը յանուանէ չի գշտած:

5 Ներկայումս կիրառուող Փրկչական թուականը տարբեր է Հայ միջնադարեան մատենագրութեան մէջ կիրառուած՝ Քրիստոսի ծննդեան թուականից: Մասնաւորապէս, Յովհ. Սարկաւագը Քրիստոսի ծնունդը դրել է ըստ մեր ներկայ Փրկչ. թուականի՝ 6.Բ. 5 թուին: Այս մասին մանրամասն տե՛ս Գրիգոր Բրուտեան, Քրիստոսի ծննդեան թուականը ըստ Հայ մատենագրական ասանդոթի, «Էջմիածին», Ե, 1998, էջ 73-88:

6 Այս ժամանակագրութիւնը տպուած է Յովհ. Սարկաւագի աշխատութիւնների շարքում (էջ 131-133) ըստ Մաշտոցեան Մատենադարանի (ՄՄ.) թիւ 1973 ձեռագրի (ընդօրինակուած 1342 թ. Երզնկայում): Հրատարակողը սա անվերապահօրէն համարել է Սարկաւագի գործը: Նույնը, որպէս «Յովհաննէս քահանայի ժամանակագրութիւն» (ՄՄ. թիւ 1973, 8100, 2678 ձեռագրերի հիման վրայ), տպուած է «Մանր ժամանակագրութիւնների» Ա հատորում (Վ. Յակոբեան, Մանր ժամանակագրութիւններ, Բ. Ա., ՀՍՍՀ ԳԱ հրատ., Երեւան 1951, էջ 17-31): Նոյն ժամանակագրութեան համառոտ տարբերակը Վիեննայի թիւ 29 ձեռագրից է. Ոսկեանը հրատարակել է «Սարկաւագ վարդապետի եւ բան» վերտառութեամբ (Հանդէս Ամսօրեայ, 1925, սիւն 238): Լ. Լ. Ոսկեանը համարում է, որ այս բնագիրը «նուազ տարբերութիւն ունի Անանիայ Ծիրակացոյն մէկ գործքէն. ուստի Սարկաւագ վարդապետ գործածած է Անանիայի այս կտորը»: Եռագրագէտ Արտ. Մաթեոսեանն էլ այս մասին գրուցելիս կարծիք յայտնեց, որ սոյն ժամանակագրութեան բուն հեղինակը Մովսէս Խորենացին է: Այս բնագրի բուն հեղինակի հարցը դուրս է մեր քննութեան սահմանից: Միեւնոյն ժամանակ անպատեհ, որ տարբեր ձեռագրերում սրա համառոտ եւ ընդարձակ տարբերակների առկայութիւնը Սարկաւագ վարդապետի անունով վկայում է, որ Սարկաւագը եթէ չի էլ հեղինակել, ապա գոնէ

խմբագրել-լրացրել է սոյն բնագիրը: Այս հիման վրայ էլ սոյն բնագիրը կը քննենք իբր Յովհ. Սարկաւագի ստեղծագործութիւն:

7 Այստեղ եւ ստորեւ փակագծերում տրուած էջերը վերաբերում են Յովհաննէս Սարկաւագի մատենագրութեան 1956 թուականի հրատարակութեանը:

8 Լ. Ոսկեանի հրատարակած տարբերակում կայ. «Ի փոխմանէն Ենովքայ մինչեւ ի ջրհեղեղն ամբ շծէ»: Այստեղ էլ տրուած է 555 տարի. ճիշտ են թուի վերջին երկու միջերը, բայց շփոթուած է առաջինը (գրուած է 2, փոխանակ չ-ի). չի բացառում նաեւ, որ սա պարզ տպագրական վրիպակ է:

9 Ի դէպ, այս 2767 (ՍԶԿԷ)-ը իբր Ադամից աշտարակաշինութիւնն եղած տարիների թիւ, տրուած է եւ Մ. Խորենացու նորայայտ ժամանակագրութեան մէջ. «Եւ առնին ի ջրհեղեղէն մինչեւ ցՓաղեկ ազգք Ե, ամբ ԾԻԵ: Եւ յԱդամայ՝ ազգք ԺԵ, ամբ ՍԶԿԷ» (տե՛ս Արտաշէս Մաթեոսեան, Մովսէս Խորենացու «Հայոց Պատմութեան» չորրորդ գիրքը, Երեւան, 1995, էջ 125): Լ. Ոսկեանի հրատարակածում եւս առկայ է «Ի ջրհեղեղէն մինչեւ ի յաշտարակն ամբ ՍԶԿԷ», բայց մի քանի տող անց էլ ունենք. «Ի յԱրքախանութի մինչեւ ի հայ թուականն ամբ ՍԶԿԵ»: Այսինքն, համառոտ տարբերակում այս թիւը տրուած է երկու անգամ. առաջին անգամ՝ սխալ բացատրութեամբ, ինչպէս ընդարձակ տարբերակում, իսկ երկրորդ անգամ՝ թուի բացատրութիւնը տրուած է ճիշտ, միայն թէ այստեղ էլ թուի վերջին միջը շփոթուած է. գրուած է Ե, փոխանակ Է-ի:

10 Ի դէպ անպատեհ, որ ե՛ր այս 3689 տարին, ե՛ր էլ 3725-ը ներդաշնակ չեն Սուրբ Գրքի տուած թուերին: Այսպէս. ըստ 3689-ի Արքախանի ծննդից մինչեւ էլքը Եգիպտոսից լինում է 505 տարի, իսկ ըստ 3725-ի՝ դրանից 36-ով անելի՝ այսինքն, 541 տարի: Միեւնոյն ժամանակ, ըստ Սուրբ Գրքի, Արքախանից մինչեւ Եգիպտոս մտնելը լինում է 290 տարի (Արքախանը 100 տարեկանում ծնեց Իսահակին (Ծճճճ., ԻԱ, 5), Իսահակը 60-ում ծնեց Յակոբին (Ծճճճ., ԻԵ, 26), Իսրայէլն էլ (որ նոյն Յակոբն է) Եգիպտոս մտնելիս 130 տարեկան էր (Ծճճճ., ԽԷ, 9)): Տրուած է նաեւ, որ Եգիպտոսում Իսրայէլի ժողովուրդը մնացել է 430 տարի (Ելք. ԺԲ, 40): Այսպիսով, ստացում է, որ Արքախանից մինչեւ Եգիպտոսից էլքը 290+430=720 տարի է: Սա էապէս տարբեր է վերի երկու թուերից էլ: Ըստ երեւոյթին, ժամանակագրութեան մէջ այդ թուերն ստացուել են Ս. Գրքից զատ նաեւ այլ տուեալների հիման վրայ: Այստեղ տրուած 505 տարին լրիւ ներդաշնակ է Խորենացու չորրորդ գրքի ժամանակագրական կանոնի տուեալներին: Ըստ այս կանոնի, Արքախանը 75 տարեկանում զայիս է Քահանա երկիրը, 25 տարի անց ծնում է Իսահակին (այսինքն՝ 25+75=100

տարեկանում): Ապա. «Իսահակ եղեայ ամաց Կ (60), ծնաւ զՅակոբ: Յակոբ եղեայ ամաց ԶԷ (87), ծնաւ զՂեի: Ղեի եղեայ ամաց ԽԶ (46), ծնաւ զԿահաթ: Կահաթ եղեայ ամաց Կ (60), ծնաւ զԱմրամ: Ամրամ եղեայ ամաց Է (70), ծնաւ զԱհարովն: Եւ յամին ութաներորդի երրորդի (83) կենաց Ահարովնի ելին որդիքն Իսրայէլի յերկրէն Եգիպտացոց» (Արտ. Մաթեոսեան, նշ. աշխ., էջ 131): Այս տարիների գումարը լինում է 505 (100+60+87+46 +60+70+82=505):

11 Այս ժամանակագրութեան համակարգը ըստ էութեան եօթանասնից ժամանակագրական համակարգն է, որ շատ լայնօրէն կիրառել է Սարկաւագ վարդապետը:

12 Եթէ ընդունենք, որ Սարկաւագի «Ժամանակագրութիւնը» խմբագրուած-լրացուած տարբերակն է Անանիայի (դրանից առաջ էլ՝ Մ. Խորենացու) ժամանակագրութեան, ապա կը գշտանակի, որ նրանք եւս հիմք են ընդունել Եւսեբիոս Կեսարացու ժամանակագրական համակարգը:

13 Օրինակ. Ադամից Օլիմպիադ ըստ Ծ.եակի 4640 տարի է, իսկ ըստ Եւսեբիոսի՝ 4424. սրանց տարբերութիւնը 216 տարի է: Իսկ Մովսէսից Օլիմպիադ ըստ Ծ.եակի 915 է, ըստ Եւսեբիոսի՝ 735: Սրանց տարբերութիւնն էլ 180 է:

14 Այստեղ խօսքը Դանիէլի մարգարէութեան մէջ տրուած թուերին է վերաբերում: Ըստ Դանիէլի տեսիլքի, մինչեւ օծութեան ասարտն ու ապակառութեան սկիզբը պիտի լինի եօթ եօթնեակ եւ 62 եօթնեակ, որ միասին տալիս են 7+62=69 եօթնեակ (Դան., Թ. 24, 25): Սա էլ կը տայ 69*7=483: Ահա այս 483 թիւն է, որ իբր տարիների գումար տրուած է Սարկաւագի մօտ, որպէս Դանիէլի տեսիլքից Հերովդէսն եղած տարիների թիւ (տե՛ս նաեւ յաջորդ մէջբերումը):

15 Տե՛ս նախորդ ծանօթագրութիւնը:

16 Սա Օլիմպիադի տարիները գշտանակելու ընդունուած ձեւն է. նախ տրում է Օլիմպիադի քառամեակի թիւը, ապա՝ տուեալ տարբերութեան (քառամեակի) մէջ տուեալ տարրուայ ունեցած հերթական թիւը՝ 1-ից 4:

17 Ընդհանրապէս, ժամանակագրութեան այս հատուածում տարիների շփոթութիւնը անպատեհ է վաղուց: Օրինակ, Ներսէս Պալիեանցի (ԺԴ դար) ժամանակագրութեան մէջ Հերովդէսի եւ Քրիստոսի ժամանակները տալուց յետոյ հեղինակը անելացնում է. «Աստ ոչ համաձայնին թուականութիւնքս պէտպէս» (Վ. Յակոբեան, Մանր ժամանակագրութիւններ, Բ. Բ., ՀՍՍՀ ԳԱ հրատ., Երեւան, 1956, էջ 203):

18 Չի բացառում, որ նախապէս ըստ տարբեր համակարգերի Քրիստոսի ծնունդը Հերովդէսի 32, կամ 38-րդ տարիներին դրուած լինելն էլ առիթ է տուել այդ թուերն իրար հետ շփոթելու (առանկ եւս, որ Բ (2) եւ Ը (8) գրերն իրար բաւական մասն են) եւ 38-ի փոխարէն հետագայում ամենուր 32 գրելու:

19 Տե՛ս այս մասին անելի մանրամասն՝ Գրիգոր Բրուտեան, Քրիստոսի ծննդեան թուականը ըստ Հայ մատենագրական ասանդոթի, «Էջմիածին», Ե, 1998, էջ 73-88:

20 Աստ անելացնենք, որ Ադամից մինչեւ Քրիստոսի ծնունդի համար այստեղ ճշգրտուած թուերը նոյնութեամբ համընկնում են Յակոբ Ղրիմեցու Տոմարի մեկնութեան մէջ տրուածներին (Յակոբ Ղրիմեցի, Տոմարագիտական աշխատութիւններ, աշխատասիր. Զ. Էլնաթեան, ՀՍՍՀ ԳԱ հրատ., Երեւան, 1987, էջ 214): Բացառութիւն են կազմում միայն Օլիմպիադի սկիզբը եւ Հերովդէսի թագաւորութեան սկիզբը, որոնց ժամանակները Ղրիմեցու հրատարակուած երկերում տրուած չեն: Նոյնպիսի համընկնում կայ նաեւ Սամուէլ Անեցու պատմութեան մէջ տրուած թուերի հետ. տե՛ս Սամուէլ Անեցի, Հաւաքմունք ի գրոց պատմագրաց, աշխատասիր. Արշակ Տէր-Միքէլեանի, տպարան Ս. Էջմիածնի, Վաղարշապատ, 1893, էջ 1-51:

21 Եթէ վերցնենք 195-րդ օլիմպիադի ոչ թէ առաջին, այլ 2-րդ, 3-րդ, կամ 4-րդ տարին, ապա այս տարբերութիւնը 2-ի փոխարէն կը լինի 3, 4, կամ 5 տարի:

22 Եթէ վերցնենք 195-րդ օլիմպիադի ոչ թէ առաջին, այլ 4-րդ տարին, ապա այս տարբերութիւնը կը լինի 1 տարի, եւ էլի կ'ունենանք տարբեր տարիներ:

23 Տե՛ս Գր. Բրուտեան, «Էջմիածին», Ե, 1998, էջ 83-85:

24 Լ. Ոսկեանի հրատարակած տարբերակում էլ տրուած են նոյն թուերը. տե՛ս Լ. Ոսկեան, նշ. աշխ.: Նոյն թուերը առկայ են նաեւ Սարկաւագի տոմարական պատմութեան (էջ 217). միայն թէ այստեղ բաց է թողնուած մի փոքրիկ պարբերութիւն: Այսպէս. ունենք. «Ի մկրտութեան մինչեւ ի քսան ամեակն Կոստանդիանոսի [ամբ Ե (300): Անտի] մինչեւ ցերկոսհարիւրեկին գիտ յԱնդրեաւտ՝ ամբ ԻԳ (23): Եւ անտի մինչեւ ի հայ թուականն ամբ Մ (200)»: Այստեղ բաց է թողնուած ուղղանկիւն փակագծերում տրուած հատուածը, որով աղարտուել է մէջբերուած պարբերութեան բուն իմաստը: Այդ հատուածը, սակայն, առկայ է Յովհաննէսի ժամանակագրութեան մէջ:

25 Այս նոյն թուերն են տրուած նաեւ այս ժամանակագրութեան՝ Լ. Ոսկեանի եւ Վ. Յակոբեանի հրատարակած տարբերակներում:

26 Տե՛ս այս մասին ծանօթ. 3:

27 Այս մասը Լ. Ոսկեանի հրատարակածում փոքրիկ տարբեր է. «...մինչեւ ի դիր Մ.եկին ամբ ԻԳ. ի ԶԱ թուական Հոռոմոց» (տե՛ս Լ. Ոսկեան, նշ. աշխ., նաեւ՝ Վիեննա, ձեռ. թիւ 29, էջ 253բ, ՄՄ., մանրամասնաւեւ թիւ 669): Իսկ Վ. Յակոբեանի հրատարակածը միայն կէտադրութեամբ է տարբերում աստ տրուածից եւ այն էլ՝ ոչ էապէս:

28 19 տարին Լուսնի թուերի կրկնման պարբերու-

- թիւնն է:
- 29 Այս 304-ը ներդաշնակ է նաեւ «Յաղագս Ծ.եկի» երկից վերը բերուած հատուածում տրուած 313 տարում՝ Փիլիպպոսից մինչ հինգհարիւրեակի (Ծ.եակի) գիտի համար: Ծ.եակի գիտը եղել է Հայոց թուակահի սկզբից 9 տարի անց, որով եւ՝ Փիլիպպոսից Հայոց թուակահի՝ 304+Հայոց թուակահից Ծ.եակը՝ 9=Փիլիպպոսից Ծ.եակ՝ 313 տարի:
- 30 Նոյնն է եւ Յ. Ղրիմեցու՝ «ի խնդիրս հասարակաց օգտի» երկում: Այստեղ այն հարցին, թե երբ է դրուել թուակահը, պատասխանուած է. «յԱղանայ հետէ Բ.Չ.Չ (5976) ամ էր» (տե՛ս Յակոբ Ղրիմեցի, էջ 131):
- 31 Այս մասին անելի մանրամասն՝ նայի՛ր իմ յօդուածում. Գր. Բրուտեան, Բրիտանիայի Գիտությունների ակադեմիայի թուակահը ըստ Հայ մատենագրական ասոցիացիայի, «Էջմիածին», Ե, 1998, էջ 73-88:
- 32 Տպագրում գրուած է՝ ՄԾԲ (552), որ ակնյայտ վրիպակ է եւ հարկ է շտկել՝ ՄԾԲ (252):
- 33 4424+1075=5499, եւ 4424+1078=5502:
- 34 4640+1075=5715, եւ 4640+1078=5718:
- 35 Այս մասին հանգամանալի բնագրում կը լինի ստորեւ:
- 36 Իրօք, ըստ ժամանակագրութեան Հայոց թուակահի սկիզբը միշտ տրուած է Աղանայից 5752 տարի յետոյ, իսկ Բրիտանիայի Գիտությունների ակադեմիայի թուակահը՝ 5198 տարի յետոյ, որով եւ կը լինի Բրիտանիայից Հայոց թուակահի՝ 5752-5198=554 տարի: Այս մասին՝ ներքեւում, ըստ կարգի:
- 37 Ըստ սրա, Թաղեհոյն եկել է Բրիտանիայի համարածումից 36-33=3 տարի անց: Եւ հարկ է բացատրել, թե ինչով է պայմանաւորուած եղել այս 3 տարուայ յապաղումը:
- 38 Նոյնն է եւ Վ. Յակոբեանի հրատարակածում, իսկ Հ. Ոսկեանի տարբերակում կայ միայն. «ի ծանոթութեան Բրիտանիայի միջնէն ի դիրս շ.եկիս ամբ շկբ»:
- 39 Նոյնն է եւ Վ. Յակոբեանի ու Հ. Ոսկեանի հրատարակածներում:
- 40 Բնագրում այստեղ ՎՇԿԸ (3568) է տրուած, որ ակնյայտ վրիպակ է: Այս նոյն սխալը առկայ է նաեւ Վ. Յակոբեանի հրատարակածում: Իսկ Հ. Ոսկեանի օրինակում դրա փոխարէն ՍՉԿԵ (2765) է: Այս մասին տե՛ս նաեւ վերեւում, ծանօթ. 8:
- 41 Այս նոյնը տառացիօրէն կրկնուած է Յովհաննէսի տոմարական Պատճէնում (էջ 217): Միակ տարբերութիւնն այն է, որ տոմարական պատճէնում շարադրանքից բաց է թողնուած «ամբ Թ(300): Անտի» հատուածը:
- 42 Տե՛ս վերեւում:
- 43 Տե՛ս նոյն տեղում:
- 44 Լուսնի աւագ լրումը Լուսնի զատկական լրումն է, այսինքն՝ առաջին լրումը գարնանամուտից յետոյ: Աւագ լրումն օրը մեծ կարեւորութիւն է ունե-

- ցել միջնադարեան տոմարագիտութեան մէջ. դրանով որոշուել է Ջատկուայ օրը:
- 45 Տե՛ս Անանիա Ծիրակացու մատենագրութիւնը, աշխատասիր. Աշ. Աբրահամեան, ՀՍՍՌ Մատենագրարանի հրատ., Երեւան, 1944, (Անանիա Ծիրակացի) էջ 264:
- 46 Հայկական տոմարում վերադիրների նոր համակարգը կիրառուած է սկսեալ Յովհ. Սարկուազի աշխատութիւններից: Սրա էութիւնն այն է, որ Սարկուազ վարդապետը, կամենալով Լուսնի վերադիրների համակարգը ներդաշնակեցնել Լուսնի իրական դիտուող փոփոխումներին, անհրաժեշտ էր դարձել ի հետեւանք այն բանի, որ այդ ժամանակներում Լուսնի փոփոխումները որոշուած էին Մեթոնի 19-ամեայ պարբերաշրջաններով, որոնք էլ որոշակի սխալ էին գոյացնում տեւական ժամանակի ընթացքում: Ահա, Սարկուազի ժամանակ այդ սխալը կուտակուելով հասել էր երկու օրուայ, որ եւ ուղղում է Սարկուազ վարդապետը:
- 47 Իրօք, Անանիա Ծիրակուանու կազմած Խառնախորանի օժանդակ աղիւսակներում ԻԳ(23) վերադիրի դիմաց Լուսնի աւագ լրումը Մարտի 21 (ԻԱ)-ին է: Տե՛ս Գրիգոր Բրուտեան, Անանիա Ծիրակացու «Խառնախորանը», Մայր Աթոռ Ս. Էջմիածին, 1998, էջ 83:
- 48 Տե՛ս Գր. Բրուտեան, նշ. աշխ.:
- 49 Տե՛ս նոյն տեղում:
- 50 Տե՛ս Անանիա Ծիրակացի, էջ 263:
- 51 Անդրեաս Բիզանդացու 200-եակը 200 տարիների համար կազմուած զատկացուցակ է եղել, ուր տրուած են եղել ութ քրիստոնէայ ազգերի օրացույցներով Ջատիկները (գուցէեւ որոշ այլ օրացույցային տեղեկութիւններ) Փ. 353-ից Փ. 552 թուակահների համար: Այս ցուցակում վերջինը եղել է Փ. 552 թ. Ջատիկը (Մարտի 31-ին):
- 52 Այս մասին անելի մանրամասն՝ տե՛ս Գրիգոր Բրուտեան, Օրացոյց Հայոց, Մայր Աթոռ Ս. Էջմիածին, 1997, էջ 56-76:
- 53 Տե՛ս, օր., Գր. Բրուտեան, նշ. աշխ.:
- 54 Այս հատուածը համարեայ նոյնն է նաեւ Վ. Յակոբեանի եւ Հ. Ոսկեանի հրատարակածներում:
- 55 Սարկուազի բնագրում տրուած է Փիլիպպոսի 2-րդ տարի, որը շտկում ենք, դարձնելով 5-րդ: Այս ուղղման մասին մանրամասն տե՛ս վերեւում՝ ծանօթ. 3:
- 56 Հ. Ոսկեանի հրատարակած տարբերակում այստեղ տրուած է ԹԻԲ (322) տարի:
- 57 Հ. Ոսկեանի հրատարակած տարբերակում այն տեղում ՀԴ (74) է:
- 58 Հ. Ոսկեանի տարբերակում այս Ծ (50) տարին բաց է թողնուած, եւ դրա փոխարէն գրուած է. «Անտի (յ. Պոյսոյ ժողովէն - Գ. Բ.) միջնէն յեփեսոսի ժողովն ամբ ԻԷ (27): Անտի ի Դ-վնայ

- ժողովն ի Հայք ամբ ԼԶ (36)»: Բաց է թողնուած եւ Քաղկեդոնի ժողովը:
- 59 Հ. Ոսկեանի տարբերակում այն տեղում ՆԼԳ (433) տարի է:
- 60 Բացի նշուած տարբերութիւններից, մնացեալ թուերը Հ. Ոսկեանի հրատարակածում չեն տարբերուած աստ տրուածներից: Սրանց հետ նոյնն են եւ Վ. Յակոբեանի հրատարակածի թուերը:
- 61 Այս երեք ժամանակային տուեալներն էլ կը վերաբերեն միեւնոյն իրադարձութեանը, եթէ բնագիրը այն տեղում յետուած չէ, եւ այստեղ բացթողումներ ու յաւելումներ չկան: Ինչպէս ստորեւ կը տեսնենք, դա իրօք այդպէս է:
- 62 Սամուէլ քահանան տալիս է. «ՆԿԲ: Դարձեալ վասն Փլաքիանոսի Բ. ժողովն յեփեսոս, յետ ԻԴ. ամի առաջին ժողովոյն, ի վախճանելն Կիրղի Աղեքսանդրացոյ»: Տե՛ս Սամուէլ Անեցի, էջ 70:
- 63 Այս կերպ ստացում է, որ այս երկու ետանիշ թուերի վեց թուանշանների մէջ հնարաւոր բոլոր սխալները մենք համարում ենք թուերից միայն մէկի՝ մէջ (433→424): Թէպէտ առաջին հայեացքից կարող է թուալ, թէ քիչ հաւանական է, որ ենթադրեալ երկու սխալներն էլ լինեն միեւնոյն թուի մէջ, այդուհանդերձ, սա նոյնիսկ անելի՛ հաւանական է, քան այն, որ սխալները լինեն երկու տարբեր թուերի մէջ: Բանն այն է, որ սխալի յառաջացման ամենահաւանական պատճառներից է բնագրի տուեալ մասի եղծումը (ասենք՝ գրերի ջնջուելը, թղթի, կամ մագաղաթի վնասուելը, ապակաւումներն): Ըստ այսմ, բնականաբար, անելի հաւանական է, որ եղծուել մի՛ հատուած, եւ ոչ թէ՛ երկուսը: Այս առումով, թուի մի թուանշանի սխալ լինելը կը նշանակի, որ մեծ է այդ թուի նաեւ միւս (կից) թուանշանների սխալ լինելու հաւանականութիւնը:
- 64 Խօսքը Ս. Գրքի առաջին՝ փութանակի թարգմանութեան մասին է: Հ. Անտեանը նոյնիսկ տալիս է դրա որոշակի թուակահը՝ Փրկչ. 406թ.: Իսկ Ս. Գրքի երկրորդ՝ վերջնական թարգմանութիւնը, որ եղել է Եփեսոսի ժողովից անմիջապէս յետոյ, Անտեանը դնում է Փ. 432-ին (Հ. Անտեան, Հայոց գրերը, Երեւանի համալսարանի հրատ., Երեւան, 1984, էջ 389 - 392):
- 65 Իսկ եթէ յիշենք, որ Սարկուազը Բրիտանիայի ծնունդը դրել է Ա. Ք. 5 թուին, ապա այս 426-ը կը տայ 426-5+1=Փրկչ. 422 թիւը, որ էլի 405-430 թթ. միջակայքում է:
- 66 Ինչպէս վերը տեսանք, այս 424-ը մեզ է հասել բաւական աղաւաղուած վիճակով. Ա. Աբրահամեանի եւ Վ. Յակոբեանի հրատարակածներում 533 է, Հ. Ոսկեանի օրինակում՝ 433, որն էլ հենց հիմք է ընդունուել այդ թուի նախնական վերականգնելու համար. ՆԻԴ→ՆԼԳ:
- 67 Սամուէլ Անեցի, էջ 87:
- 68 ՄՄ, ձեռ. թիւ 2679, էջ 163բ: Նոյնը տե՛ս նաեւ՝

- Մատեան Գիտութեան եւ Հասարակական Գիտությունների ակադեմիայի, հայերէն թղթային հնագոյն ձեռագիր 981 թ., նմանահանութիւն, աշխատասիր. Արտ. Մաթեոսեան, «Նաիրի», Երեւան, 1995: Նաեւ՝ նոյնի նմանատպութիւնը, Երեւան, 1997, էջ 236:
- 69 Տե՛ս Մ.Մ. ձեռ. թիւ 2679, էջ 162բ, նաեւ՝ ձեռագրի նմանահանութիւնը: Նոյնը նմանատպութեան մէջ՝ էջ 234: Ընդհանրապէս, այս Յովհաննէս Տեկորեցու ժամանակն ու ինքնութիւնը հայկական աղբիւրներում բաւական շփոթ են ներկայացուած: Սարկուազի ժամանակագրութեան մէջ նա յիշուած է Քաղաքի (Վաղարշապատի) Ս. Կաթողիկէի ժողովի կապակցութեամբ, Մ.Մ. թիւ 2679 ձեռագրում նա յիշուած է ինչ-որ չորրորդ ժողովի կապակցութեամբ: Այդ ժողովը նրան կաթողիկոս է նստեցրել Կարինում: Ըստ այս տեղեկութեան էլ, կարծես թէ այս Յովհաննէս Տեկորեցին նոյնացուած է Յովհաննէս Սիւնակաի՝ որ եւ՝ Յովհաննէս Բագարանցու հետ, թէպէտ այդ նոյն ձեռագրի ժամանակակից կանոնում Յովհաննէս Բագարանցին առանձին նշուած է իբր կաթողիկոս (ձեռագրի միեւնոյն էջի վրայ): Անտեանն էլ Յովհաննէս Տեկորեցուն համարում է կաթողիկոսութեան տեղապահ եւ դնում է Փ. 724 թ. իբր Մանագլերտի ժողովի կազմակերպիչ (Հ. Անտեան, Հայոց անձնանունների բառարան, հ. Գ, Երեւանի Համալսարանի հրատ., Երեւան, 1946, էջ 553):
- 70 Սամուէլ Անեցի, էջ 87:
- 71 Անդ, էջ 289:
- 72 Հայոց ՄԾԸ (158)-ին դնում է Եղիա Արճիշեցու 13-ամեայ գահակալութիւնը, որից յետոյ էլ դնում է Յովհաննէս Օձնեցուն: 158-ից 13 տարի անց լինում է 171 թիւը: Տե՛ս Ստեփանոսի Տարօնեցոյ Ասողկան Պատմութիւն Տիեզերական, աշխատասիր. Ստ. Մալխասեանց, Ս. Պետերբուրգ, 1885, էջ 102:
- 73 Այս ձեռագրի ժամանակագրութեան մէջ տեղ գտած տուեալները պարտաւոր ենք համարել արժանահատու, նկատի ունենալով, որ այն ժամանակագրութիւնը կազմուել է 981-1032 թթ. միջակայքում եւ իր հնութեամբ անելի առաջնային է մեզ հասած շատ այլ սկզբնաղբիւրների նկատմամբ: Տե՛ս Արտաշէս Մաթեոսեան, Մատեան Գիտութեան եւ հասարակական Գիտությունների ակադեմիայի, Երեւան, 1997, էջ 21:
- 74 Այս 329-ը դրուած է այստեղ պայմանականօրէն: Նիկիոյ ժողովը եղել է Փ. 325-ին եթէ նկատի ունենանք, որ Սարկուազն էլ Բրիտանիայի ծնունդը դրել է Ա. Ք. 5 թուին, ապա ըստ այդմ պիտի Սարկուազի ժամանակային համակարգով Բրիտանիայի ծնունդից Նիկիոյ ժողովը լինի 325+5-1=329 տարի: Թուերի գումարից 1 ենք հանում, որպէսզի հաշուի առնենք Ա.Ք. թուակահից Փրկչ. թուակահին անցնելը (զի այս համակարգում բացակայում է զրօ թուակահը): Այսպիսով, այս 329 թուակահը Բրիտանիայից Նիկիոյ ժողովն ընկած

- ժամանակն է, եթե հիմք ընդունենք Քրիստոսի ծննդեան սարկազմաբան թուականը եւ Նիկիոյ ժողովի իրական թուականը: Տեղին է նկատել, որ վերոյիշեալ հնագոյն թղթայ ձեռագրի ժամանակակերպ կանոնում էլ Նիկիոյ ժողովը դրուած է Քրիստոսի ծննդեան ՅԼ (330) թուին (ՄՄ. ձեռ. 2679, էջ 161ա, Մատեան գիտ. եւ հասարակ. անաստութիւն, էջ 231): Իսկ դա նշանակուած է, որ ըստ դրա՝ Քրիստոսի ծննդից մինչ Նիկիոյ ժողովը 330-1=329 տարի է (քանի որ Քրիստոսի ծնունդը 1 թուին է): Այսինքն, այս «պայմանակաւորէն» դրուած թիւը այնքան էլ «պայմանակաւոր» չէ:
- 75 Սա ճիշդ է այն դէպքում միայն, եթէ Սարկազմի ժամանակագրական համակարգում նախապէս եղած թուերը (գոնէ այս մէկը) համապատասխանել են դրանց իրական արժէքներին:
- 76 Այստեղ կայ քերականական որոշ դժուարութիւն այն առումով, որ եթէ համարենք նախապէս եղած. «Անտի ի Քաղկեդոնի ժողովն՝ ամբ Ի(20) է», ապա օժանդակ բայը եզակի է, մինչդէռ եզակական «ամբ» յոգնակի է: Հնարարը է նաեւ, որ այս «է»-ն լինի յաջորդ նախադասութեան սկզբում. «Է՛ անտի ի Դվնայ ժողովն»: Ընդ որում, չի բացատրուած, որ այս «է»-ն յառաջացած լինի նախկին «ե»-ից. «Եւ անտի ի Դվնայ ժողովն գ»: Կարելի է այս «է»-ի համար ենթադրել նաեւ այլ բացատրութիւն. ասենք՝ հետագայում արուած յաւելում, կամ այլ ինչ:
- 77 Ըստ այսմ, Սարկազմի ժամանակագրութեան սոյն հատուածի նախնական բնագիրը կը լինի. «Անտի ի Քաղկեդոնի ժողովն՝ ամբ Ի (20) է: Անտի ի Դվնայ ժողովն ի Հայք՝ գ»: Կամ էլ կը լինի. «Անտի ի Քաղկեդոնի ժողովն՝ ամբ Ի (20): Եւ [անտի ի Դվնայ ժողովն ի Հայք՝ գ]:
- 78 Տե՛ս ծանօթ. 37:
- 79 Տե՛ս Գրիգոր Բրուտեան, Քրիստոսի ծննդեան թուականը ըստ Հայ մատենագրական ասանդոյթի, «Էջմիածին», Ե, 1998, էջ 73-88:
- 80 Տպագրում տրուած է 552, որ ակնյայտ վրիպակ է եւ հարկ է շտկել՝ 252:
- 81 Տե՛ս Գրիգոր Բրուտեան, Օրացոյց Հայոց, էջ 86-96:
- 82 Օ.եակ, կամ հինգհարիւրեակ եւ 532 տարիների օրացուցային պարբերաշրջան, որ ընդունուել է Էսա Աղէքսանդրացու գլխաւորած՝ 36 տոմարագէտների Աղէքսանդրիայի ժողովում՝ Փ. 560 թուին:
- 83 Այս շփոթութիւնը յարուցուած է եղել կաթողիկոսների գաւազանագիրքի այս հատուածում Յովհանն Բագարանցու գոյութեամբ, որ յետոյ համարուել է հակաթոռ: Տարբեր հեղինակներ նրան որել են տարբեր տեղեր, եւ Հայոց պատմութեան ժամանակագրութեան այս հատուածում յառաջացել է շփոթութիւն: Մանրամասն

- տե՛ս Գր. Բրուտեան, Աշ. աշխ., էջ 61-96: Չի բացատրուած նաեւ, որ Օ.եակի եւ Հայոց թուականի շփոթութիւնը պայմանաւորուած լինի նրանով, որ Օ.եակի ընդունման հետ զուգահեռ՝ Աղէքսանդրիայի ժողովում (կամ դրա առնչութեամբ) օտարների կողմից սահմանուել է նաեւ հայկական անշարժ օրացոյց, որ սակայն Հայաստանում ընդունելութիւն չի գտել:
- 84 Սրա օգտին վկայութիւն կարելի է դիտել այն, որ Սարկազմի աշակերտ Սամուէլ Անեցու մօտ էլ Հայոց թուականը դրուած է Մովսէսի հէնց 3-րդ (գ) տարում: Սամուէլ Անեցի, էջ 74-75:
- 85 Տե՛ս վերեւում:
- 86 Վ. Յակոբեանի հրատարակածում այս հատուածը նույնն է, ինչ եւ սա, իսկ Հ. Ոսկեանի օրինակում այս հատուածը ուղղակի բացակայում է:
- 87 Սեբեոսը որել է Խոսրով Ապրուէզի 25-րդ տարում: Տե՛ս, օր., Գ. Աբգարեանի ծանօթագրութիւնները. Պատմութիւն Սեբեոսի, աշխատասիր. Գ. Վ. Աբգարեանի, ՀՍՍՀ ԳԱ հրատ., Երևան, 1979, էջ 115 եւ 285-286: Ի դէպ, ՄՄ. թիւ 2679 ձեռագրում էլ Հայոց ՄԹ (59)-ին դրուած է. «խոսրով պարսիկ առաւ արգ Դորրոյ Հայք. գերուսաղէմ, եւ զեգեպտոս եւ զտորբ յայն տարաւ» (էջ 162բ, անաստութիւն՝ էջ 234):
- 88 Սա կը նշանակի, որ վերջին երկու դէպքում Սամուէլի տուած Քրիստոսի թուականներից ստացուող Հայոց թուերն էլ կը լինեն համապատասխանաբար՝ 74 եւ 77, այսինքն՝ մէկական տարով աւելի, քան Յովհաննէսի տուած թուերը: Այս մի տարուայ զանազանութիւնը սկզբունքային չէ եւ չի կարող խանգարել եզրակացնելու, որ Սամուէլը (գոնէ՝ հիմնականում) հետեւել է Սարկազմի տուած թուերին: Ինչպէս երևում է Սամուէլի պատմութիւնից, այստեղ կան ոչ սակաւ դէպքեր, երբ Հայոց եւ Քրիստոսի ծննդեան թուերի տարբերութիւնը 554 է. այսինքն, վերը նշուածները եզակի դէպքեր չեն: Հնարարը է, սա արդիւնք է Սամուէլի երկի հետագայ ինչ-որ անյաշող միջամտութեան:
- 89 Եթէ Սարկազմի մօտ ՀԳ (73)-ի փոխարէն եղած լինի ՀԳ (74), այսինքն, այս դէպքում եւս Քրիստոսի ծննդեան եւ Հայոց թուականների տարբերութիւնը եղած լինի 553 տարի, ապա, ըստ այսմ, Սարկազմի մօտ Երուսաղէմի առումն էլ պիտի եղած լինի Հայոց Հ (70) թուին:
- 90 Հնարարը է, գուցէ, որ Կ-ը դառնար Լ. որոշ գրատեսակների դէպքում դա հնարարը է, եթէ ջնջուել Կ-ի աջ ուղղաձիգ գիծը: Իսկ Թ-ից է ստանալու աւելի դժուար է:
- 91 69-ից 1 ենք հանում, քանի որ Հայոց 69 թիւը Հայոց թուականի սկզբից 69-1 տարի յետոյ է (Քրիստոսի ծնունդից մինչեւ Հայոց 1 թիւը 554 տարի է ըստ Սարկազմի):
- 92 Նոյն 73 տարին է տրուած նաեւ Վ. Յակոբեանի

- ու Հ Ոսկեանի հրատարակածներում:
- 93 Նոյնն է եւ Վ. Յակոբեանի հրատարակածում, իսկ Հ. Ոսկեանի օրինակում այս եւ սրան յաջորդող տեղեկութիւնները բացակայում են:
- 94 Այստեղ Սամուէլի շարադրանքը մի փոքր շփոթ է: Հայոց ՁԵ թուին դրուած է Երուսաղէմի առումը Մահմետի կողմից, իսկ դրանից յետոյ էլ Կարնոյ ժողովն է՝ առանց թուականի, եւ դրանից էլ անմիջապէս յետոյ՝ «ՈՒՍ (640): Տէր Եզր՝ ամս Թ» (էջ 79-80):
- 95 Այդ դէպքում պիտի սխալ կամ յետասմուտ յաւելում համարել այդ ժողովին վերաբերող հատուածի վերջում Եզրի մասին գրուածը. «ՈՒՍ: Տէր Եզր՝ ամս Թ»:
- 96 Եթէ ընդունենք 87-ի փոխարէն 85 (Ե→Է), ապա կը լինի համապատասխանաբար՝ Քրիստոսից 638 տարի եւ Ադամից 5836 տարի:
- 97 Նոյնն է եւ Վ. Յակոբեանի հրատարակածում:
- 98 Սրան ի տարբերութիւն, Սամուէլ Անեցու մօտ դրուած է. «ՈՒՍԲ: (642) Ելն տանկաց ի Հայս» (էջ 80):
- 99 Նոյնն է եւ Վ. Յակոբեանի հրատարակածում: Միայն թէ՛ Վ. Յակոբեանը իր տուած ծանօթագրութեան մէջ (Մանր ժամանակագրութիւններ, հ. Ա, էջ 28) այս Սուրբ Գրիգորը, որ անկասկած Ջուարթանցն է, շփոթել է Խոր Վիրապում՝ Ս. Գրիգորի վիրապի վրայ նոյն կաթողիկոսի կառուցած եկեղեցու հետ: Որ Սարկազմի այս տեղեկութիւնը իրօք Ջուարթանցին է վերաբերում, հաստատում է Սամուէլ քահանայի գրածը այդ նոյնի մասին. «ՈՄԳ: (654) Հայրապետն Ներսէս շինէ զտորբ Գրիգոր, զգարմացոցիչն տեսողաց, բայց յառաջ շինէ զվկայարան սրբոյն Սարգսի ի Դրիւն, եւ գոր ի վերայ վիրապի սրբոյն Գրիգորի» (Սամուէլ Անեցի, էջ 83): Այստեղ յստակօրէն իրարից զանազանուած են Ս. Գրիգորի վիրապի վրայ շինուածը եւ Ս. Գրիգոր տաճարը, որ է Ջուարթանցը՝ «զգարմացոցիչն տեսողաց»:
- 100 Նոյնն է եւ Վ. Յակոբեանի հրատարակածում:
- 101 Ի դէպ, եթէ նկատի ունենանք, որ Սարկազմ Քրիստոսի ծնունդը որել է Ա. Բ. 5 թուին, ապա

- այս 671-ը կը տայ Փրկչ. 667 թիւը: Եւ այս 667-ն էլ շատ լաւ ներդաշնակում է Անանիայի մի յիշատակարանում տուածին, ըստ որի, Անանիան Հայաստան է վերադարձել Փ. 666 թուի երկրորդ կեսին, ուստի եւ բնական է, որ կաթողիկոսը նրան կանչէր եւ յանձնարարութիւն տար դրա յաջորդ տարում՝ Փ. 667-ին: Տե՛ս Գր. Բրուտեան, Քրիստոսի ծննդեան թուականը ըստ հայ մատենագրական ասանդոյթի, «Էջմիածին», Է, 1998, էջ 80-81:
- 102 Ինչպէս վերը տեսանք, այդ մասում բնագիրն աղաւաղուած է, եւ Մանագլերտի ժողովին վերաբերող մի հատուած բնագրից դուրս է մնացած:
- 103 Նոյնն է եւ Վ. Յակոբեանի հրատարակածում:
- 104 Ի դէպ, աւագ լրման այսպիսի ամսաթուերը լրիւ ներդաշնակ են Անանիա Օիրակունու կազմած Խառնախորանի օժանդակ աղիւսակներում ամբողջուած 19-երեակների ու վերադիրների համակարգերին: Սա եւս խօսում է այն մասին, որ Սարկազմի նշած երկրորդ Օ.եակը հէնց աղէքսանդրեան երկրորդ Օ.եակն է, քանի որ Անանիան իր տոմարական երկերում լրիւ հետեւել է Անդրէաս Բիզանդացու տոմարական համակարգին, որն էլ իր հերթին, յետոյ ընդունուել է իբր աղէքսանդրեան Օ.եակի համակարգ: Տե՛ս Գր. Բրուտեան, Անանիա Օիրակունու «Խառնախորանը», Մայր Աթոռ Ս. Էջմիածին, 1998, էջ 50-58 եւ 83:
- 105 Անեցու մօտ էլ Օ.եակի սկիզբը դրուած է Քրիստոսի ՌՂԶ (1096) թուին (էջ 120):
- 106 Նոյնն է եւ Վ. Յակոբեանի հրատարակածում:
- 107 Տե՛ս ՄՄ. ձեռ. թիւ 2679, էջ 2բ, անաստութիւն՝ էջ 52: Այստեղ մի սխալ կայ. հոռւ. եօթներեակը ձեռագրում տրուած է Բ, որ սխալ է եւ հարկ է շտկել ու դարձնել Գ (3): Այս մասին տե՛ս Գր. Բրուտեան, Անանիա Օիրակունու ՕԼԲ բոլորակը ըստ հայերէն հնագոյն թղթայ ձեռագրի, «Էջմիածին», Ա, 1998, էջ 125-143: